

後漢書

十



後漢書志第二十六 百官三

劉昭

注補



宗正 大司農 少府

宗正卿一人中二千石本注曰掌序錄王

國嫡庶之次及諸宗室親屬遠近郡國歲

因計上宗室名籍若有犯法當髡以上先

上諸宗正宗正以聞乃報決胡廣曰又歲一治諸王世譜差

序秩第漢官曰負吏四十一人其六人四科一人二百石四人百石三人佐六人騎吏二人法家十八人

學事一人官醫丞二人比千石

後漢書志第二十六

百官

諸公主每主家令一人六百石丞一人三

百石本注曰其餘屬吏增減無常漢書曰主簿一

人秩六百石僕一人秩六百石私府長一人秩六百石家丞一人三百石直吏三人從官二人東觀書曰

其主薨無子置傳一人守其家

右屬宗正本注曰中興省都司空令

丞如淳曰主罪人

大司農卿一人中二千石本注曰掌諸錢

穀金帛諸化貨幣郡國四時上月旦見錢穀

簿其逋未畢各具別之邊郡諸官請調度

者皆為報給損多益寬取相給足

漢書曰食吏百六十

四人共十八人四科九人斗食十六人二百石文學二千五百石二十五人佐七十五人學事一人官醫

丞一人比千石部丞一人六百石本注曰

部丞主帑藏

古今注曰建初七年七月為大司農置丞一人秩千石別主帑藏則

部丞應是而秩不同應劭漢官秩亦云二千石

太倉令一人六百石本注曰主受郡國傳

漕穀

漢官曰負吏九十九人

丞一人

平準令一人六百石本注曰掌知物賈主

纒染作采色

漢官曰負吏百九十八人

丞一人

導官令一人六百石本注曰主春御米及

作乾糒導擇也

漢官曰負吏百一十二人

丞一人

右屬大司農本注曰郡國鹽官鐵官

本屬司農中興皆屬郡縣

魏志曰曹公置典農中郎

將秩二千石典農都尉秩六百石或四百石典農校尉秩比二千石所主如中郎部分別而少

為校尉丞

又有廩犧令六百石掌祭祀犧牲

鴈鴛鴦之屬

漢官曰丞一人三百石負吏四十人其十一人斗食十七人佐

七人學事五人守學事皆河南屬縣給吏者

及雒陽市長

漢官曰市

長一人秩四百石丞一人二百石明法補負吏三十六人十三人百石嗇夫十一人斗食十二

人佐又有檝擢丞三百石別治中水  
官主水渠在馬市東有負吏六人  
滎陽教

倉官中興比日屬河南尹餘均輸等皆

省均輸者前書孟康注曰謂諸當所有輸於官者皆令輸其土地所饒平其所在時賈

官更於他處貨之輸者既便而官有利鹽鐵論

大夫曰往者郡國諸侯各以其物貢輸往來煩

雜物多苦惡或不償其費故郡置輸官以相給

運而便遠方之貢故曰均輸問委府于京師以

籠貨物賤則買貴則賣是以縣官不失實商賈

無所利故曰平準準平則民不失職均輸則民

不劬勞故平準均輸所以平萬物而便百姓也

文學曰古之賦稅於民也因其所工不求所拙

農人納其穫工女效其織今釋其所有責其所

無百姓賤買貨物以便上求間者郡國或令民

作布絮吏留難與之為市吏之所入非獨齊陶

之練蜀漢之布也亦民間之所為耳行茲責平

農民重苦必苦女工繭稅未見輸之均也縣官

張發闔門擅市即萬民並收並收則物騰躍騰

躍則商賈利自市則吏容姦豪吏富商積貨儲

物以待其急輕賈姦吏收以取貴未見準之平

少府卿一人中二千石本注曰掌中服御

諸物衣服寶貨珍膳之屬漢官曰負吏三十

一人二百石五人百石四人斗石三人佐六人騎吏

十三人學事一人官醫少者小也小故稱少府王者

郡國諸倉農監六十  
五官長丞皆屬之

後漢書志二十六

三

劉官元

以租稅為公用山澤陂池之稅以供王之私用古皆作小府漢官儀曰田租芻橐以給經用凶年山澤魚鹽市稅少府丞一人比千石

太醫令一人六百石本注曰掌諸醫漢官曰負

醫二百九十三人負吏十九人藥丞方丞各一人本注曰藥

丞主藥方丞主藥方

太官令一人六百石本注曰掌御飲食漢官

曰負吏六十九人衛士三十八人荀綽晉百官表注曰漢制太官令秩千石丞四人秩四百石不與志同

左丞甘丞湯官丞果丞各一人本注曰左

丞主飲食甘丞主膳具湯官丞主酒果丞

後漢書卷二一八

四

木原

主果荀綽云甘丞掌諸甘肥果丞別在外諸果菜茹守宮令一人六

百石本注曰主御紙筆墨及尚書財用諸

物及封泥漢官曰負吏六十九人丞一人漢官曰外官丞二百石公府吏府也

上林苑令一人六百石本注曰主苑中禽

獸頗有民居皆主之捕得其獸送太官漢官

曰負吏五十八人案相帝又置鴻德苑令丞尉各一人

侍中比二千石漢官秩云千石周禮不僕千石注曰若漢侍中本注

曰無負掌侍左右贊導眾事顧問應對法

駕出則多識者一人參乘餘皆騎在乘輿

車後本有僕射一人中興轉為祭酒或置

或否蔡質漢儀曰侍中常伯選舊儒高德博學淵懿仰占俯視切問近對喻旨公卿上殿稱制

參乘佩璽秉劔負本八人陪見舊在尚書令僕射下尚書上今官出入禁中更在尚書下司隸校尉見侍

中執板揖河南尹亦如之又侍中舊與中官俱止禁中武帝時侍中莽何羅挾刃謀逆由是侍中出禁外

有事乃入畢即出王莽秉政侍中復入與中官共止

竟帝元和中侍中郭舉與後宮通拔佩刀驚上舉伏

誅侍中由是復出外中常侍千石本注曰官者無員後

增秩比二千石掌侍左右從入內宮贊導

內眾事顧問應對給事黃門侍郎六百石

本注曰無員掌侍從左右給事中關通中

外及諸王朝見於殿上引王就坐漢舊儀曰黃門

郎屬黃門今日暮入對青瑣門拜名曰夕郎宮閣簿青瑣門在南宫衛瓘注吳都賦曰青瑣戶邊青鏤也

一曰天子門內有眉格再重裏青畫曰瑣獻帝起居注曰帝初即位初置侍中給事黃門侍郎員各六人

出入禁中近侍帷幄省尚書事改給事黃門侍郎為侍中侍郎去給事黃門之號旋復故舊侍中黃門

侍郎以有中宮者不與近密交政誅黃門後侍中侍郎出入禁闈機事頗露由是王允乃奏比尚書不得

出入不通賓客自此始也又曰諸奄人官悉以議郎郎中稱秩如故諸署令兩梁冠陛殿上得召都官從

下事已小黃門六百石官者無員掌侍左右受尚

書事上在內宮關通中外及中宮已下眾

事諸公主及王太妃等有疾苦則使問之

黃門令一人六百石

董巴曰禁門曰黃闥以中人主之故號曰黃門令

本注曰官者主省中諸官者

漢官曰負承從吏十八人

丞各一人本注曰官者從丞主出入從

黃門署長畫室署長玉堂署長各一人丙

署長七人皆四百石黃綬本注曰官者各

主中宮別處

中黃門冗從僕射一人六百石本注曰官

者主中黃門冗從居則宿衛直守門戶出

後漢書卷二十六

六

手

則騎從夾乘輿車

中黃門比百石本注曰官者無負後增比

三百石掌給事禁中

掖庭令一人六百石本注曰官者掌後宮

貴人采女事

漢官曰吏從官百六十七人待詔五人負吏十人

左右丞

暴室丞各一人本注曰官者暴室丞主中

婦人疾病者就此室治其皇后貴人有罪

亦就此室

永巷令一人六百石本注曰官者典官婢



侍使

漢官曰負吏六太吏從官三十四人

丞一人本注曰宦者

漢官

曰右丞一人

御府令一人六百石本注曰宦者典官婢

作中衣服及補浣之屬

漢官曰負吏七人

丞織

室丞各一人本注曰宦者

漢官曰右丞一人

祠祀令一人六百石本注曰典中諸小祠

祀漢官曰從官吏八人駟僕射一人家丞八人

丞一人本注曰宦者

鈎看令一人六百石本注曰宦者典諸近

池苑園遊觀之處

漢官曰吏從官四十八人負吏四十八人

丞永安

天二百六十八下

後漢書

卷一百一十六

十

張明

丞各一人三百石本注曰宦者永安北宮

東北別小宮名有園觀苑中丞果丞鴻池

丞南園丞各一人二百石本注曰苑中丞

主苑中離宮果丞主果園鴻池池名在雒

陽東二十里南園在雒水南

漢官曰又有署一人胡熟監一

人案本紀桓帝又置顯陽苑丞濯龍監

應劭漢官秩曰秩六百石

直里監各

一人四百石本注曰濯龍亦園名近北宮

直里亦園名也在雒陽城西南角

中藏府令一人六百石本注曰掌中幣帛

金銀諸貨物

漢官曰負吏十三人吏從官六人

丞一人

內者令一人六百石本注曰掌中布張諸

衣物

漢官曰從官錄事一人負吏十九人

左右丞各一人

尚方令一人六百石本注曰掌上手工作

御刀劍諸好器物

漢官曰負吏十三人吏從官六人

丞一人

尚書令一人千石本注曰承秦所置

荀綽晉百官表

注曰唐虞官也詩云仲山甫王之喉舌蓋謂此人

武帝用官者更為中

書謁者令成帝用士人復故掌凡選署及

奏下尚書曹文書眾事

蔡質漢儀曰故公為之者朝會不陞奏事

增秩二千石故自佩銅印墨綬

尚書僕射一人六百石本注曰署尚書事

令不在則奏下眾事

蔡質漢儀曰僕射主封門掌授廩假錢穀凡三公列

卿將大夫五營校尉行復道中遇尚書僕射左右丞郎御史中丞侍御史皆避車豫相迴避衛士傳不得

近臺官臺官過後乃得去目昭案獻帝分置左右僕射建安四年以榮邵為尚書左僕射是也獻帝起居

注曰邵卒官贈執金吾

尚書六人六百石本注曰成帝初置尚書

四人

韋昭曰尚奉也

分為四曹

漢舊儀曰初置五曹有三公曹主斷獄蔡質漢儀曰

興天下歲盡集課事三公尚書二人典三公文書吏曹尚書典選舉齋祀屬三公曹靈帝末梁鵠為選部

尚書常侍曹尚書主客卿事蔡質漢儀曰主常侍黃門御史事世祖改

曹曰吏二千石曹尚書主郡國二千石事漢舊儀曰

亦云主刺史蔡質漢儀曰掌中郎官水火盜賊辭訟罪青民曹尚書主凡吏

上書事蔡質漢舊儀曰典繕治功作監池苑囿盜賊事客曹尚書主

外國夷狄事尚書龍作納言出入帝命應劭曰今尚書官王之喉舌世祖

承遵後分二千石曹又分客曹為南主客

曹北主客曹蔡質漢儀曰天子出獵駕御府曹郎屬之凡六曹周禮天官

有司會鄭玄曰若今尚書

左右丞各一人四百石本注曰掌錄文書後漢書卷二二六

期會左丞主吏民章報及騶伯史蔡質漢儀曰摠典臺

中綱紀無右丞假署印綬及紙筆墨諸財用

庫藏蔡質漢儀曰右丞與僕射對掌授廩假錢穀與左丞無所不統

鍾鳴則息衛士甲乙徼相傳甲夜畢傳乙夜相傳盡

五更衛士傳言五更未明三刻後雞鳴衛士踵丞郎

趨嚴上臺不畜宮中雞汝南出雞鳴衛士候朱爵門

外專傳雞鳴於宮中應劭曰楚歌今雞鳴歌也晉太

康地道記曰後漢固始鮑陽公安細陽四縣衛士習此曲於闕下歌之今雞鳴是也

侍郎三十六人四百石本注曰一曹有六人主作文書記草蔡質漢儀曰尚書郎初從三署詔臺試初上臺稱守尚書郎中歲滿稱尚書郎三年稱侍郎客曹郎主治羌胡事劇遷二千石或刺史其公遷為縣令秩滿自占縣

去認書賜錢三萬與三臺祖餞餘官則否治嚴一月  
準謁公卿陵廟乃發御史中丞遇尚書丞郎避車執  
板住揖丞郎坐車舉手禮之車過遠乃去尚書言左  
右丞敢告知如詔書律令郎見左右丞對揖無虧稱  
曰左右君丞郎見尚書執板對揖稱  
曰明時見令僕射執板拜朝賀對揖  
今史十八人

二百石本注曰曹有三主書後增劇曹三

人合二十一人古今注曰永元三年七月增尚書  
今史負功滿未嘗犯禁者以補小

縣墨綬蔡質曰皆選蘭臺符節上稱簡精練有吏能  
為之決錄注曰故事尚書郎以今史久缺補之世祖  
始改用孝廉為郎以孝廉丁邯補焉邯稱病不就詔  
問實病若為郎乎對曰臣實不病取以孝廉為今史  
職耳世祖怒曰虎賁滅頭杖之數十詔問欲為郎不  
邯曰能殺臣者陛下不能為郎者臣中詔遣出資不  
為郎邯字叔春京兆陽陵人也有高節正直不撓後  
拜汾陰令治有名迹遷漢中太守妻弟為公孫述將

後漢書志二十六

十

章明

收妻送南鄭獄免冠徒跪自陳詔曰漢中太守妻乃  
繫南鄭獄誰當搔其背垢者懸牛頭賣馬脯盜跖行  
孔子語以邯服罪且邯一妻  
冠履勿謝治有異卒於官

符節令一人六百石本注曰為符節臺率

主符節事凡遣使掌授節尚符璽郎中四

人本注曰舊二人在中主璽及虎符竹符

之半者漢言曰當得明法律郎周禮掌節有虎節  
龍節皆金也于寶注曰漢之銅虎符則其

制也周禮又曰以英蕩輔之于寶曰英刻書也蕩竹  
前也刻而書其所使之事以助三節之信則漢之竹

使符者亦取符節令史二百石本注曰掌書

則於故事也魏氏春秋曰中平六  
年始復節上赤葆

御史中丞一人千石本注曰御史大夫之

丞也舊別監御史在殿中密舉非法周禮掌建邦之

宮刑以主治王宮之政令及御史大夫轉為司

空因別留中為御史臺率風俗通曰尚書御史臺皆以官蒼頭

為史主賦舍凡守其門戶蔡質漢儀曰丞故二千石

為之或選侍御史高第執憲中司朝會獨坐內堂蘭

臺督諸州刺史糾察百寮出為二千石魏後又

曰建安置御史大夫不領中丞置長史一人屬少府治書侍御史二人六百石本注曰

掌選明法律者為之凡天下諸讞疑事掌

以法律當其是非蔡質漢儀曰選御史高第補之胡廣曰孝宣感路温舒言

後漢書志二十六 十一 王九虎

秋季後請讞時帝幸宣室齋居而決事令侍御史二

人治書御史起此後因別置冠法冠秩百石有印綬

與符節郎共平廷尉奏事罪當輕重荀綽晉侍御

百官表注曰惠帝以後無所平治備位而已

史十五人六百石本注曰掌察舉非法受

公卿羣吏奏事有違失舉劾之凡郊廟之

祠及大朝會大封拜則一人監威儀有違

失則劾奏蔡質漢儀曰其二人者更直執法省中者皆糾察百官督州郡公法府掾屬高

第補之初稱守滿歲拜真出治劇為刺蘭臺令史

史二千石平遷補令見中丞執板揖六百石本注曰掌奏及印工文書

右屬少府本注曰職屬少府者自太

醫上林凡四官自侍中至御史皆以  
文屬焉承秦凡山澤陂池之稅名曰  
禁錢屬少府世祖改屬司農考工轉  
屬太僕都水屬郡國孝武帝初置水  
衡都尉秩比二千石別主上林苑有  
離宮燕休之處世祖省之并其職於  
少府每立秋驅劉之日輒暫置水衡  
都尉事訖乃罷之少府本六丞省五  
又省湯官織室令置丞又省上林十

池監胞人長丞官者昆臺

昆臺本名甘泉居室武帝

改 飲飛

飲飛本名左弋武帝改

三令二十一丞又

省水衡屬官令長丞尉二十餘人章  
和以下中官稍廣加嘗藥太官御者  
鉤盾尚方考工別作監皆六百石官  
者為之轉為兼副或省故錄本官

蔡質

漢儀曰少府符著出見都官從事持板都官  
從事入少府見符著持板漢官目錄曰右三

卿司空  
所部

劉昭注補

執金吾

太子太傅

大長秋

太子少傅

將作大匠

城門校尉

北軍中候

司隸校尉

執金吾一人中二千石

漢官秩云比二千石

本注曰掌

宮外戒司非常水火之事

胡廣曰衛尉巡行宮中則金吾徵於

外相為表裏以擒姦討猾

月三繞行宮外及主兵器五猶

禦也

應劭曰執金革以禦非常漢官曰負吏二十九人其十人四科一人二百石文學三人百

石二人斗食十三人佐學事主緹騎

丞一人比千石

漢官秩云六百石

緹騎

二百人本注曰無秩比史食奉

漢官曰執金吾緹騎二百

人五百二十人輿服導從光滿道路羣僚之中斯最壯矣世祖歎曰仕宦當作執金吾

武庫

令一人六百石本注曰主兵器丞一人

右屬執金吾本注曰本有式道左右

中候三人六百石車駕出掌在前清

道還持麾至宮門宮門乃開中興但

一人又不常置每出以郎兼式道候

事已罷不復屬執金吾又省中壘寺

五都船令丞尉及左右京輔都尉

太子太傅一人中二千石本注曰職掌輔

導太子禮如師不領官屬荀綽晉百官表注曰唐虞官

大長秋一人二千石本注曰承秦將行官

者景帝更為大長秋或用士人中興常用

官者職掌奉宣中宮命凡給賜宗親及宗

親當謁見者關通之中宮出則從張晏曰皇后卿丞

一人六百石本注曰官者

後漢書卷二十一

二

李棠

中宮僕一人千石本注曰官者主馭本注

曰太僕秩二千石中興省太減秩千石以

屬長秋

中宮謁者令一人六百石本注曰官者中

宮謁者三人四百石本注曰官者主報中

章

中宮尚書五人六百石本注曰官者主中

文書

中宮私府令一人六百石本注曰官者主



中藏幣帛諸物裁衣被補浣者皆主之丁

漢儀曰中宮藏府令秩千石儀比御府令丞一人本注曰官者

中宮永巷令一人六百石本注曰官者主  
宮人丞一人本注曰官者

中宮黃門冗從僕射一人六百石本注曰

官者主中黃門冗從丁孚漢儀曰給事中宮侍郎六人比尚書郎官者為

之給事黃門四人比黃門侍郎給事羽林郎一人比羽林將虎賁官騎下

中宮署令一人六百石本注曰官者主中

宮請署天子數女騎六人丞復道丞各一

後漢書卷二十一

三

上句

人本注曰官者復道丞主中閣道

中宮藥長一人四百石本注曰官者

右屬大長秋本注曰丞秦有詹事一

人位在長秋上亦官者主中諸官成

帝省之以其職并長秋是後皇后當

法駕出則中謁中官者職吏權兼詹

事奏引訖罷官者誅後尚書選兼職

吏一人奉引云其中長信長樂宮者

置少府一人職如長秋及餘吏皆以

宮名為號負數秩次如中宮長樂五官史朱瑀之

類是也本注曰帝祖母稱長信宮故有

長信少府長樂少府位在長秋上及

職吏皆官者秩次如中宮長樂又有

衛尉僕為太僕皆二千石在少府上

丁孚漢儀曰丞六百石其崩則省不常置

太子少傅二千石本注曰亦以輔導為職

悉主太子官屬漢官曰負吏十二人

太子率更令一人千石本注曰主庶子舍

後漢書卷二十一 四 臣

人更直職似光祿

太子庶子四百石本注曰無負如三署中

郎

太子舍人二百石本注曰無負更直宿衛

如三署郎中漢官曰十三人選良家子孫

太子家令一人千石本注曰主倉穀飲食

職似司農少府

太子倉令一人六百石本注曰主倉穀

太子食官令一人六百石本注曰主飲食

太子僕一人千石本注曰主車馬職如太僕

太子廄長一人四百石本注曰主車馬

太子門大夫六百石漢官曰門大夫二人選四府掾屬本注曰

舊注云職比郎將舊有左右戶將別主左

右戶直郎建武以來省之

太子中庶子六百石本注曰貲五人職如

侍中

太子洗馬比六百石本注曰舊注云貲十

後漢書志二十七

五

李旬

六人職如謁者太子出則當直者在前導

威儀漢官曰選郎中補也

太子中盾一人四百石本注曰主周衛徼

循

太子衛率一人四百石本注曰主門衛士

右屬太子少傅本注曰凡初即位未

有太子官屬皆罷唯舍人不省領屬

少府

將作大匠一人二千石

蔡質漢儀曰位次河南尹光武中元二年省謁

者領之章帝建初元年復置 **本注曰承秦曰將作少府景**

**帝改為將作大匠掌修作宗廟路寢宮室**

**陵園木土之功并樹桐梓之類列于道側**

漢官篇曰樹栗漆梓桐胡廣曰古者列樹以表道並以爲林囿四者皆木名治宮室并主之毛詩傳曰椅梓屬也陸機草木疏曰梓實桐皮曰椅今民云梧桐是也梓今人所謂梓楸者是也 **丞一人**

**六百石**

**左校令一人六百石本注曰掌左工徒丞**

**一人** 安帝復也

**右校令一人六百石本注曰掌右工徒丞**

後漢書志二十七

六

林志述

**一人** 安帝復也

**右屬將作大匠**

前書曰屬官又有左右中候右庫東園主章左右前

後中校七令丞成帝省

**城門校尉一人比二千石本注曰掌雒陽**

**城門十二所**

周禮司門干寶注曰如今校尉

**司馬一人千石**

**本注曰主兵城門每門候一人**

周禮每門下士二人干寶

曰如今門候

**六百石**

蔡質漢儀曰門候見校尉執板不拜

**本注曰雒陽**

**城十二門其正南一門曰平城門**

漢官秩曰平城門爲

宮門不置候置屯司馬秩千石李尤銘曰平城司午厥位處中古今注曰建武十四年九月開平城門

北宮門屬衛尉其餘上西門應劭漢宮曰上西所以不純白

者漢家初成故丹鏤之李尤雍門銘曰雍門處廣

陽門銘曰廣陽位津門銘曰津名自小苑門孟轅月在申

開陽門應劭漢官曰開陽門始成未有名宿昔有

門一柱飛去光武皇帝使來識視悵然遂堅縛之耗

門銘曰耗門值中東門銘曰中東處上東門銘曰上東少

穀門銘曰穀門北夏門銘曰夏門

陽厥位在寅凡十二門蔡質漢儀曰雒陽二十四街

### 右屬城門校尉

後漢書志二十七

北軍中候一人六百石本注曰掌監五營

漢官曰負吏七人候自得屯騎校尉一人比二千石本注曰掌宿衛

兵漢官曰負吏百二十司馬一人千石蔡質漢

營司馬見校越騎校尉一人比二千石如淳曰越人內附以

才力超越也案紀光武改青巾右校尉為越本注

騎校尉臣昭曰越人非善騎所出晉灼為允曰掌宿衛兵

蔡質漢儀亦曰掌越騎漢官曰司

馬一人千石

步兵校尉一人比二千石

初置掌上林苑門屯兵見前書

本

注曰掌宿衛兵

漢官曰負吏七十人領士七百人

司馬一人

千石

長水校尉一人比二千石

如淳曰長水胡名也韋昭曰長水校尉典

胡騎廐近長水胡以為名長水蓋中小水名

本注曰掌宿衛兵

蔡質漢儀

曰主長水宜曲胡騎漢官曰負吏百五十七人烏桓胡騎七百三十六人

司馬胡騎司

馬各一人千石本注曰掌宿衛主烏桓騎

射聲校尉一人比二千石

服虔曰工射也冥冥中間聲則射中之故

以為名

本注曰掌宿衛兵

蔡質漢儀曰掌待詔射聲士漢官曰負吏百二

後漢書志二十一

八

陳

十九人領士七百人

司馬一人千石

右屬北軍中候本注曰舊有中壘校

尉領北軍營壘之事有胡騎虎賁校

尉皆武帝置中興省中壘但置中候

以監五營胡騎并長水虎賁主輕車

并射聲

案大駕鹵簿五校在前各有鼓吹一部

凡中二千石丞比千石真二千石丞

長史六百石比二千石丞比六百石

今相千石丞尉四百石其六百石丞

尉三百石長相四百石及三百石丞尉皆二百石諸侯公主家丞秩皆比百石諸邊鄣塞尉諸陵校尉長皆二百石有常例者不署秩

司隸校尉一人比二千石蔡質漢儀曰職在典不糾封侯外戚三公以下無尊卑入京師外部諸郡無所官開中道稱使者每會後到先去本注曰孝武

帝初置荀綽晉百官表注曰司隸校尉周官也征和中陽石公主巫蠱之獄起乃依周置司隸且昭曰周無司隸豈即司寇乎持節掌察舉百官以下及

京師近郡犯法者前書曰置從中都官徒千二百人捕巫蠱督大姦猾後罷其元帝去節成帝省建武中復置并領一

州蔡質漢儀曰司隸詣臺廷議處九卿上朝賀處公卿下陪卿上初除謁大將軍三公通謁持板揖公儀朝賀無爵臺召入宮對見尚書持板朝賀揖從事史十二人本注曰

都官從事主察舉百官犯法者蔡質漢儀曰都官主雒陽百官朝會與三府掾同博物記曰中興以來都官從事多出之河內掎擊貴戚功曹從事

主州選署及眾事別駕從事校尉行部則奉引錄眾事簿曹從事主財穀簿書其有

軍事則置兵曹從事主兵事其餘部郡國從事每郡國各一人主督促文書察舉非

法皆州自辟除故通爲百石云假佐二十  
五人本注曰主簿錄閣下事省文書門亭  
長主州正門功曹書佐主選用孝經師主  
監試經月令師主時節祠祀律令師主平  
法律簿曹書佐主簿書其餘都官書佐及  
每郡國各有典郡書佐一人各主一郡文  
書以郡吏補歲滿一更司隸所部郡七  
河南尹一人主京都特奉朝請其京兆尹  
左馮翊右扶風三人漢初都長安皆秩中  
二千石謂之三輔中興都雒陽更以河南  
郡爲尹以三輔陵廟所在不改其號但減  
其秩其餘弘農河內河東三郡其置尹馮  
翊扶風及太守丞奉之本位在地理志

後漢書志第二十七



後漢書志第二十八

百官五

劉昭注補

州郡

縣鄉

亭里

匈奴中郎將

烏桓校尉

護羌校尉 王國

宋衛國

列侯

關內侯

四夷國

百官奉

外十二州每州刺史一人六百石本注曰

秦有監御史監諸郡漢興省之但遣丞相

大一千七百七十一

後漢書志二十八

一

青訂

史分刺諸州無常官孝武帝初置刺史十

三人秩六百石

古今注曰常以春分行部郡國各遣一吏迎界上諸書不同也

成

帝更為牧秩二千石建武十八年復為刺

史十二人各主一州其一州屬司隸校尉

蔡質漢儀曰詔書舊典刺史班宣周行郡國省察治政黜陟能否斷理冤獄以六條問事非條所問即不

省一條強宗豪右田宅踰制以強陵弱以眾暴寡二條二千石不奉詔書遵承典制倍公向私旁詔守利

侵漁百姓聚斂為姦三條二千石不郵疑獄風厲殺人怒則任刑喜則任賞煩擾苛暴剝戮黎元為百姓

所疾山崩石裂妖祥訛言四條二千石選署不平苟阿所愛蔽賢寵頑五條二千石子弟怙恃榮勢請託

所監六條二千石違公下比阿附豪強通行貨賂割損政令諸州刺史初除此諸持板揖不拜獻帝起居

漢曰建安十八年三月庚寅省州并郡復禹貢之六州冀州得魏郡安平鉅鹿河間清河博陵常山趙國勃海甘陵平原太原上黨西河定襄雁門雲中五原朔方河東河內涿郡漁陽廣陽右北平上谷代郡遼東遼東屬國遼西玄菟樂浪凡三十二郡省司隸校尉以司隸部分屬豫州冀州雍州省涼州刺史以并雍州部郡得弘農京兆左馮翊右扶風上郡安定隴西漢陽北地武都武威金城西平西郡張掖張掖屬國酒泉敦煌西海漢興永陽東安南凡二十二郡省交州以其郡屬荊州荊州得交州之蒼梧南海九真交趾日南與其舊所部南陽章陵南郡江夏武陵長沙零陵桂陽凡十三益州本部郡有廣漢漢中巴郡犍為蜀郡牂牁越雋益州永昌犍為屬國蜀郡屬國廣漢屬國今并得交州之鬱林合浦凡十四豫州部郡本有潁川陳國汝南沛國梁國魯國今并得河南滎陽都尉凡八郡徐州部郡得下邳廣陵彭城東海琅邪利城城陽東萊凡八郡青州得齊國北海東萊濟南樂安凡五郡獻帝春秋曰孫權以步騭行交州

刺史東觀書曰諸州常以八月巡行所部郡交趾刺史持節

**國** 胡廣注曰巡謂驛馬也縣次錄囚徒 胡廣曰

徒皆閱錄視參考辭狀實其考殿最 胡廣曰課第

真偽有侵冤者即時平理也 考殿最 長吏不稱職

者為殿舉免之其有治能者為最察上尤 初歲盡

異州又狀州中吏民茂才異等歲舉一人

**詣京都奏事** 胡廣曰所察有條應繩異者輒覆問

師名奏事差其 中興但因計吏 胡廣曰不復自

遠近各有常會 皆如舊典東觀書曰和帝初張酺上言臣聞王者法天災惑奏事太微故州牧刺史入奏事所以通下問知外事也數十年以來重其道歸煩撓故時止勿奏事今因以為故事臣愚以為刺史視事滿歲可令奏事如舊典問州中風俗恐好惡過所道事所聞見考課眾職下章所告及所自舉有意賞異之其尤無

狀逆詔書行罪法莫勅戒其餘令各敬慎所職於以  
衰滅貪邪便佞韓詩外傳曰王者必立牧方三人所  
以使闕遠牧衆也遠方之民有飢寒而不得衣食獄  
訟而冤失職賢而不舉者入告天子天子不其君之  
朝也竭而進之曰意朕之政教有不得爾若邪如何  
乃有飢寒而不得衣食獄訟而冤失職賢而不舉然  
後其君退而與其卿大夫謀之遠方之民間  
天子也夫我居之辟見我之近也我居之幽見我之  
明也可欺乎哉可欺乎哉故  
牧者所以開四目通四聰 皆有從事史假佐

本注曰貪職略與司隸同無都官從事其  
功曹從事為治中從事豫州部郡國六翼  
州部九兗州部八徐州部五青州部六荆  
州部七揚州部六益州部十二涼州部十

後漢書志二十八

三

林原

二并州部九幽州部十一交州部七凡九  
十八其二十七王國相其七十一郡太守

其屬國都尉屬國分郡離遠縣置之如郡  
差小置本郡名世祖并省郡縣四百餘所

後世稍復增之 臣昭曰昔在先代列爵殊等九

牧伯分長而封疆置限兼庸有數如身之使臂手之  
使指故能高卑相固遠近維緝羣后克穆共康非庶  
爰及周衰稍競吞廣邦國侵爭遞懷貪略猶歷數百  
年乃能成其并一豈非樹之有本使其然乎秦兼天  
下開設郡縣孤立獨王即以顛亡漢祖因循雖不賴  
革分置子弟終龕諸呂之難漸剖列郡以減大都之  
權後嚴安之徒猶怗慨發憤謂千里之威即去之強  
國慮非安本無窮之計也孝武之末始置刺史監糾

非法不過六條傳車周流匪有定鎮秩裁數百威  
輕寡得有察舉之勤未生陵犯之釁成帝改牧其  
始大既非識治之主故無取焉爾世祖中興監平  
本復約其職還遵舊制斷親奏專省入惜煩漸得  
重之路因茲以降彌於歲年母后當朝多以弱  
合危動四海潰弊財盡力竭網維撓毀而八方不  
內侵諸侯莫敢入伐豈非幹強枝弱控制素重之  
致乎至孝靈在位橫流既及劉焉傲僞自為身謀  
有憂國之心專懷狼據之策抗論昏世薦議愚主  
稱宜重牧伯謂足鎮壓萬里挾茲樹筭苟罔一時  
可承為國本長期勝術哉夫聖王御世莫不大庇  
民承其休謀傳其典制猶云事久弊生無或通貫  
變改正服革異質文分爵三五參差不一況在  
之君按茲詐之臣共所創置焉可仍因大建尊  
規竟無一日之治故馬牧益土造帝服於岷峨  
取冀下制書於燕胡劉表荆南郊天祀地魏祖據  
遂皇業漢之殄滅禍源乎此及臻後代任寄彌廣  
委之邦宰之命授之斧鉞之重假之都督之威開之

後漢書卷三十八

四

卷

征討之略晉太康之初武帝亦疑其然乃詔曰上古  
及中代或置州牧或置刺史置監御史皆摠綱紀而  
不賦政治民之事任之諸侯郡守昔漢末四海分崩  
因以吳蜀自擅自是刺史內親民事外領兵馬此一  
時之宜爾今賴宗廟之靈士大夫之力江表平定天  
下合之為一當韜戢干戈與天下休息諸州無事者  
罷其兵刺史分職皆如漢氏故事出頒詔條入奏事  
京城二千石專治民之重監司清峻於上此經久之  
體也其便省州牧晉武帝又見其弊矣雖有其言不  
卒其事後嗣續繼牧鎮愈重據地分爭竟覆天下昔  
王畿之大不過千里州之所司廣袤兼遠爭強虎視  
之辰遷鼎革終之日未嘗不藉蕃兵之權挾董司之  
力逼迫伺隙陵奪冲幼其甚者臣主揚兵骨肉戰野  
昆弟鼻懸伯叔屠裂末壯披心尾大不掉既用此始  
亦病以終傾軫愈襲莫或途改致維京有銜壁之痛  
素臺有不守之酷胡羌遞興氏鮮更起摩滅羣黎流  
禍百世堅冰所漸兼緣茲蠹鳴呼後之聖王必不  
斯跡靈長之終常有神算不然則雄捍反拒之

懼甚於此心憑強作凡州所監都為京都置尹

一人二千石丞一人每郡置太守一人二

千石丞一人郡當邊戍者丞為長史古今注曰建武

六年三月令郡太守諸侯相病丞長史行王國之

相亦如之每屬國置都尉一人比二千石

丞一人本注曰凡郡國皆掌治民進賢勸

功決訟檢姦常以春行所主縣勸民農桑

振救乏絕秋冬遣無害吏案訊諸囚平其

罪法論課殿最案律有無害都吏如今言公平

後漢書志二十八

五

陳從

何以文無害為沛主吏掾歲盡遣吏上計盧植禮注曰計斷九月因秦以十月

為正并舉孝廉郡口二十萬舉一人典兵

禁備盜賊景帝更名都尉武帝又置三輔

都尉各一人譏出入邊郡置農都尉主屯

田殖穀又置屬國都尉主蠻夷降者中興

建武六年省諸郡都尉并職太守無都試

之役古今注曰六年八月省都尉官應劭曰省關

都尉唯邊郡往往置都尉及屬國都尉稍

有分縣治民比郡安帝以羌犯法三輔有

陵園之守乃復置右扶風都尉京兆虎牙

都尉

應劭漢官曰蓋天生五材民並用之廢一不

木為矢弧矢之利以威天下春秋三時務農一時講

武詩美公劉匪居匪康入耕出戰乃裹糒糧干戈載

錫四方莫當自郡國罷材官騎士之後官無警備實

啓寇心一方有難三面救之發興雷震煙蒸電激一

切取辨黔首囂然不及講其射御用其戒誓一旦驅

之以即強敵猶鳩鵲捕鷹鷂豚羊弋豺虎是以每戰

常負王旅不振張角懷挾妖偽遐邇搖蕩八州並發

煙炎絳天牧守梟裂流血成川爾乃遠徭三邊殊俗

之兵非我族類忿鷙縱橫多僵良善以為己功財貨

糞土哀夫民氓遷流之咎見出在茲不教而戰是謂

棄之跡其禍敗豈虛也哉春秋家不藏甲所以一國

威抑私力也今雖四海殘壞王命未洽可折衝壓難

君指於掌故比日置諸曹掾史新論曰王莽時置

置右扶風後漢書志二八六陳從

百石親事一曰為四本注曰諸曹略如公府曹

百石二歲而遷補無東西曹蔡質漢儀曰河南府有功曹史主

選署功勞有五官掾署功曹及諸曹事其

監屬縣有五部督郵曹掾一人正門有亭

長一人主記室史主錄記書催期會無令

史閣下及諸曹各有書佐幹主文書漢官曰

貞吏九百二十七人十二人百石諸縣有秩三十五

人官屬掾史五人四部督郵史部掾二十六人案獄

仁恕三人監津渠漕水掾二十五人百石卒吏二百

五十人文學守助掾六十人書佐五十人循行二百

三十人幹小史屬官每縣邑道大者置令

二百三十人

人千石其次置長四百石小者置長三百

石侯國之相秩次亦如之應劭漢官曰前書百官表云萬戶以上為

令萬戶以下為長三邊始孝武皇帝所開縣戶數百而或為令荆揚江南七郡唯有臨湘南昌吳三令爾及南陽穰中土沃民稠四五萬戶而為長相帝時以江南陽安為女公主邑改號為令主薨復復其故若此為繫其本俗說令長以水土為之及秩高下皆無明文班固通儒述一代之書斯近其真 **本注**

曰皆掌治民顯善勸義禁姦罰惡理訟平

賊恤民時務秋冬集課上計於所屬郡國

胡廣曰秋冬歲盡各計縣戶口墾田錢穀入出盜賊多少上其集簿丞尉以下歲詣郡課校其功功多尤為最者於廷尉勞勉之以勸其後負多尤為殿者於後曹別責以糾怠慢也諸對辭窮尤困收主者掾史

關白太守使取法丞尉縛責以明下轉相督勅為民除害也明帝詔書不得侈厚黃綬以別小人吏也

凡縣主蠻夷曰道公主所食湯沐曰國縣

萬戶以上為令不滿為長侯國為相皆秦

制也史記秦併天下夷郡縣鑄兵刃示不復用丞各一人尉大縣

二人小縣一人本注曰丞署文書典知倉

獄尉主盜賊凡有賊發主名不立則推索

行尋案察姦宄以起端緒應劭漢官曰大縣丞左右尉所謂命

卿三人小縣一尉一丞命卿二人各署諸曹掾史本注曰諸

曹略如郡負五官為廷掾監鄉五部春夏

為勸農採秋冬為制度掾

漢官曰雒陽令秩千石丞三人四百

石孝廉左尉四百石孝廉右尉四百石貞吏七百九

十六人十三人四百石鄉有秩獄史五十六人佐史

鄉佐七十七人斗食令史嗇夫假五十人官掾史幹

小史二百五十人書佐九十人循行二百六十人

鄉置有秩三老游徼本注曰有秩郡所署

秩百石漢官曰鄉戶五千則置有秩掌一鄉人風俗通曰秩則田間大夫

言其官裁其鄉小者縣置嗇夫一人風俗通曰嗇者省也

夫賦也言消息皆主知民善惡為役先後知

民貧富為賦多少平其差品三老掌教化

凡有孝子順孫貞女義婦讓財救患及學

士為民法式者皆扁表其門以興善行游

徼掌徼循禁司姦盜又有鄉佐屬鄉主民

收賦稅風俗通曰國家制亭有亭長以禁盜

賊本注曰亭長主求捕盜賊承望都尉漢

儀曰民年二十三為正一歲以為衛士一歲為材官

騎士習射御騎馳戰陣八月太守都尉令長相丞尉

會都試課殿最水家為樓船亦習戰射行船過郡太

守各將萬騎行障塞烽火追虜置長史一人丞一人

不治民不給衛士材官樓船年五十六老衰乃得免

為民就田應合選為亭長亭長課徼巡尉游徼亭長

督曹設備五兵五兵弓弩戟楯刀劍甲鎧鼓吏亦憤

行縶帶劍佩刀持楯被甲設矛戟習射設十里一亭

亭長亭候五里一郵郵間相去二里半司姦盜亭長



持二尺板以劾賊索繩以收執賊風俗通曰漢家因秦大率十里一亭亭留也蓋行旅宿會之所館亭吏

舊名負弩改為里或謂亭父里有里魁民有什伍善惡以

告本注曰里魁掌一里百家什主十家伍

主五家以相檢察民有善事惡事以告監

官風俗通曰周禮五家為鄰四鄰為里里者止也里有司司五百家共居止同事舊欣通其所也

邊縣有障塞尉本注曰掌禁備羌夷犯塞

太公陰符曰武王問太公願聞治亂之要太公曰其本在吏武王曰吏者治也所以為治其亂者何太公

曰故吏重罪有十武王問吏之重罪太公曰一吏苛刻二吏不平三吏貪污四吏以威力迫脅於民五吏

與史合姦六吏與人亡情七吏作盜賊使人為耳目八吏賤買賣貴於民九吏增易於民十吏振懼於民

後漢書志三八

九

李良

夫治者有三罪則國亂而民愁盡有之則民流亡而君失其國武王曰民亦有罪乎太公曰民有十大於

此除者則國治而民安武王曰十大何如太公曰民勝吏厚大臣一大也民宗強侵陵羣下二大也民其

富傾國家三大也民尊親其君天下歸慕四大也民暴寡五大也民有百里之譽千里之交六大也民以

吏威為權七大也恩行於吏八大也民服信以少為多奪人田宅贅人妻子九大也民之基業畜產為人

所苦十大也所謂一家害一里一里害諸侯諸侯害天下武王曰絕吏之罪塞民之大奈何太公曰察民

之暴吏明其賞審其誅則吏不敢犯罪民不敢大也武王曰是民吏相伺上下不和而結其讎太公曰為

君守成為吏守職為民守事如此各居其道則國治國治則都治都治則里治里治則家治家治則善惡

分明善惡分明則國無事國無事則吏民外不懷怨內不微事其郡有鹽官鐵

官工官都水官者隨事廣狹置令長及丞

秩次皆如縣道無分士給均本吏本注曰

凡郡縣出鹽多者置鹽官主鹽稅出鐵多

者置鐵官主鼓鑄胡廣曰鹽官培坑而得鹽或

鑄銅為器械當鑄冶之時扇熾其火謂之鼓鑄有工多者置工官主工

稅物有水池及魚利多者置水官主平水

收漁稅在所諸縣均差吏更給之置吏隨

事不具縣負

使匈奴中郎將一人比二千石本注曰主

護南單于置從事二人有事隨事增之掾

後漢書卷二十八

李早

隨事為負護羌烏桓校尉所置亦然應劭漢官

曰擁節屯中步南設官府掾吏單于歲遣侍子來朝謁者常送迎馬得賂弓馬氈罽他物百餘萬謁者事

訖還具表付幣藏詔書刺自受

護烏桓校尉一人比二千石本注曰主烏

桓胡應劭漢官曰擁節長史一人司馬二人皆六百石并領鮮卑客賜質子歲時胡市焉晉書

曰漢置東夷校尉以撫鮮卑

護羌校尉一人比二千石本注曰主西羌

應劭漢官曰擁節長史司馬二人皆六百石

皇子封王其郡為國每置傅一人相一人

皆二千石本注曰傳主導王以善禮如而不臣也相如太守有長史如郡丞漢初立諸王因項羽所立諸王之制地既廣大且有御史大夫及諸卿皆秩二千石百官皆如朝廷國家唯為置丞相其御史大夫以下皆自置之胡廣曰後漢妾數無限別乃制設正適曰妃取小夫人不得過四十人至景帝時吳楚七國恃其國大遂以作亂幾危漢室及其誅滅景帝懲之遂令諸王

不得治民今內史主治民政丞相曰相省

御史大夫廷尉少府宗正博士官武帝改

漢內史中尉郎中令之名前書曰改漢內史為京兆尹中尉為執金

吾郎中令為光祿勳而王國如故負職皆朝廷為署不

得自置至漢成帝省內史治民更令相治

民漢舊儀曰大司空何武奏罷內史相如太守中尉如都尉參職是後中尉爭權與王相奏常不

和太傅但曰傅且昭曰觀夫高祖之創業也豈直鴻勳碩德大庇羣生蕩其毒虐厝

之和泰而已哉至於謀深慮久封建子弟蕃維盤固規謀弘遠及於三趙不終燕靈天絕齊代淮楚皆為

外重故宋昌曰外長齊楚淮南斯非效與事過則孰或通之全國之難誠固財物之富作衛之益亦既

得之於前矣故賜以几杖用息茲謀嗣墮局下怨生  
有以逮連師措亂兵交梁闕禦侮摧寇肇自密戚景  
帝遂削蕃國之權刻骨肉之援封爲君而不聽治其  
民置爲主而稍賤其目矯枉過甚遂臻于此呂霍之  
危朝后族愈貴於來寵吳楚之叛奔侯王恒借以受  
誚故賈誼欲衆建以少其力列虛以侯其生此乃達  
觀深識監于親陪之要者也冢嗣必傳萬里之地分  
支欲使動搖不得於經維遠筭且已礙矣復哀平之  
際劉氏徧於四海宗正著錄遂以萬數及乎後漢彌  
循前迹光武十子並列畿外近郡孝明八國不能開  
庇遠民國近則不可以大不大則不足爲強此所以  
本枝之援終以少固若使漢分兩越置二三親國剖  
吳楚樹數四列蕃割遼海而分皇枝開隴蜀而王子  
弟使主尊顯依漢初之貴民無定限許滋養之富若  
有昏虐之嗣可得廢而不得削必傳劉氏民信所奉  
發其侵伐兼并之釁峻其他族篡殺之科制其入貢  
輕重之法疏其來朝往復之數君君日日永許百世  
之期一國之民長無遷動之志四方得志聽離官列

後漢書志二十八

一二

郭壘

封懷賢抱智隨所適樂土強弱相侔遠近相推舉其  
大歸略其小滯與其畫一班之海內天子之朝自非  
異姓僭奪不得興勤王之師諸蕃國自非雜互篡主  
不降討伐之詔犬牙相經共爲嚴國雖王莽善盜將  
何因而敢竊曹操雄勇亦安能以得士斯無俟極聖  
然克行明賢粗識亦足立故父子首足也昆弟四支  
也當使筋骨髓血動靜足以相勝長短大小幹用足  
以相衛豈有割脛致腹取骨肉以增頭刻背露骨剥  
膏腴以裨頷而謂顛顛魁岸可得比壽松晉喉咽擁  
腫必能長生久視哉漢氏得之微猶能四百載魏人  
失之甚不滿數十年爰自晉世矯枉太過入列皇朝  
非簡賢之授唯親是貴無愚智之辨不能勝衣冠早  
據公相之尊童蒙幼子端登槐嶽之位職應論道而  
未離保母之養續侯賦政而服二三尺衣英賢大度  
擊彼昏稚高才碩儒恭承藐識公餽覆而不憂美錦  
碎而愈截兼授若流迴遷競路才鴛任重功虧費多  
勝比名於公旦夕同罪於盜跖衷補無位可以充德  
貶退刑輟不足以塞咎或力強濟聲實隆重嫌猜畏

通身受其弊覆滅分體若梟仇寇齎粉同氣有過他  
逆忠貞之士橫羅其凶志節之人狼狽其禍闕伯實  
沈繼踵史筆顯思顯甫比有國書趙倫以養愚排天  
齊收以賢明謝世枉鬱殄夷冤孫就盡不可勝載矣  
豈周漢之君多孝悌之性晉宋之王稟豺狼之情蓋  
事勢使之然也朝行斯術夕窮崩亂未能革悛來事  
愈甚蒼生為此將盡矣四海為此措蹙矣聖帝英君  
欲反斯敗必當更開同姓之國置不增之約罷皇脩  
入官之禍守盟牲礪河之篤乃可  
還嶮隆之路反乎全安之轍也  
中尉一人比二

千石本注曰職如郡都尉主盜賊東觀書曰其紹封削

糾者中尉內史官屬亦以率減郎中令一人僕一人皆千石

本注曰郎中令掌王大夫郎中宿衛官如

光祿勳自省少府職皆并焉僕主車及馭

後漢書卷之二十八 程用

如太僕本注曰太僕比二千石武帝改但

曰僕又皆減其秩治書比六百石本注曰

治書本尚書更名大夫比六百石本注曰

無負掌奉王使至京都奉辭賀正月及使

諸國本皆持節後去節謁者比四百石本

注曰掌冠長冠本負十六人後減禮樂長

本注曰主樂人衛士長本注曰主衛士醫

工長本注曰主醫藥永巷長本注曰官者

主宮中婢使祠祀長本注曰主祠祀皆比

四百石自禮樂長至郎中二百石本注曰無

負

衛公宋公本注曰建武二年封周後姬常

為周承休公五年封殷後孔安為殷紹嘉

公十三年改常為衛公安為宋公以為漢

賓在三公上五經通義二王之後不考功有誅無

絕鄭玄曰王者存二代而封及五郊

列侯所食縣為侯國本注曰承秦爵二十

等為徹侯金印紫綬以賞有功功大者食

後漢書卷二十八

四

何通

縣小者食鄉亭得臣其所食吏民後避武

帝諱為列侯武帝元朔二年令諸王得推

恩分衆子土國家為封亦為列侯舊列侯

奉朝請在長安者位次三公中興以來唯

以功德賜位特進者次車騎將軍胡廣漢制

優盛朝廷所劭異者賜特賜位朝侯次五校尉

賜位侍祠侯次大夫其餘以肺腑附及公主

子孫奉墳墓於京都者亦隨時見會位在

博士議郎下胡廣制度曰諸王封者受茅土

是為猥諸侯

歸以立社稷禮也

胡廣曰諸王受封皆受茅土歸立社稷本朝為宮室自有

制度至於列侯歸國者不受茅土不立宮室各隨貧富裁制祭庶以守其寵

列土特進

朝侯賀正月執璧云每國置相一人其秩

各如本縣本注曰主治民如今長不臣也

但納租于侯以戶數為限其家臣置家丞

庶子各一人本注曰主侍侯使理家事列

侯舊有行人洗馬門大夫凡五官中興以

來食邑千戶已上置家丞庶子各一人不

滿千戶不置家丞又悉省行人洗馬門大

夫

關內侯

如淳曰列侯出關就國侯但爵身其有家累者與之關內之邑食其租稅也古今注

曰建武六年初令關內侯食邑者俸月二十五斛

承秦賜爵十九等為

關內侯無土寄食在所縣民租多少各有

戶數為限

荀綽晉百官表注曰時六國未平將帥皆家關中故以為號劉劭爵制曰春秋

傳有庶長鮑商君為政備其法品為十八級合關內侯列侯凡二十等其制因古義古者天子寄軍政於

六卿居則以田警則以戰所謂入使治之出使長之素信者與眾相得也故啓伐有扈乃召六卿大夫之

在軍為將者也及周之六卿亦以居軍在國也則以比長間胥族師黨正州長鄉大夫為稱其在軍也則

以卒伍司馬將軍為號所以異在國之名也秦依古制其在軍賜爵為等級其帥人皆更卒也有功賜

則在軍吏之例自一爵以上至不更四等皆士也大夫以上至五大夫五等比大夫也九等依九命之義也自左庶長以上至大庶長九卿之義也關內侯者依古圻內子男之義也秦都山西以關內為王畿故曰關內侯也列侯者依古列國諸侯之義也然則卿大夫士下之品皆放古比朝之制而異其名亦所以殊軍國也古者以車戰兵車一乘步卒七十二人分翼左右車大夫在左御者處中勇上居右凡七十五人一爵曰公士者步卒之有爵為公士者二爵曰上造造成也古者成士升於司徒曰造士雖依此名皆步卒也三爵曰簪褭御駟馬者要褭古之名馬也駕駟馬者其形似簪故曰簪褭也四爵曰不更不更者為車右不復與凡更卒同也五爵曰大夫大夫者在車左者也六爵為官大夫七爵為公大夫八爵為公乘九爵為五大夫皆軍吏也吏民爵不得過公乘者得貫與子若同產然則公乘者軍吏之爵最高者也雖非臨戰得公卒車故曰公乘也十爵為左庶長十一爵為右庶長十二爵為左更十三爵為中更十四

爵為右更十五爵為少上造十六爵為大上造十七爵為駟車庶長十八爵為大庶長十九爵為關內侯二十爵為列侯自左庶長已上至大庶長皆卿大夫皆軍將也所將皆庶人更卒也故以庶更為名大庶長即大將軍也左右庶長即左右偏裨將軍也古今注曰成帝鴻嘉三年令吏民得買爵級千錢

### 四夷國王率眾王歸義侯邑君邑長皆有丞比郡縣

### 百官受奉例

古今注曰建武二十六年四月戊戌增吏奉如此志例以明也

### 大將

軍三公奉月三百五十斛中二千石奉月百八十斛二千石奉月百二十斛比二千石奉月百斛千石奉月八十斛六百石奉



月七十斛比六百石奉月五十斛四百石  
奉月四十五斛比四百石奉月四十斛三  
百石奉月四十斛比三百石奉月三十七  
斛二百石奉月三十斛比二百石奉月二  
十七斛一百石奉月十六斛斗食奉月十

一斛 漢書音義曰斗食 佐史奉月八斛 注古曰

永和三年初與河南尹及雒陽負吏四百二十七人  
奉月四十五斛曰昭曰此言豈其妄乎若人人奉四  
十五斛則四百石秩為太優而無品 凡諸受奉皆  
若共進奉者人不過一斗亦非義理

半錢半穀 荀綽晉百官表注曰漢延平中中二  
千石奉錢九千米七十二斛真二千

後漢書志二十人 十七 秦仁

石月錢六千五百米三十六斛比二千石月錢五千  
米三十四斛一千石月錢四千米三十斛六百石月  
錢三千五百米二十一斛四百石月錢二千五百米  
十五斛三百石月錢二千米十二斛二百石月錢一  
千米九斛百石月錢八百米四斛八斗獻帝起居注  
曰帝在長安詔書以三輔地不滿千里而軍師用度  
非一公卿已下不得奏除其若公田  
以秩石為率賦輿令各自收其租稅

贊曰帝道淵默冢帥修德寡以御衆分職  
乃克不置不監無驕無忒程是師徒寧民

康國

後漢書志第二十八

後漢書志第二十九 輿服上

劉 昭 注補

玉輅 乘輿 金根

安車 立車 耕車

戎車 獵車 駟車

青蓋車 綠車 皂蓋車

夫人安車 大駕 法駕

小駕 輕車 大使車

小使車 載車 導從卒

後漢書志第二十九

直受

車馬飾

書曰明試以功孔安國曰效試其居車服以庸

孔安國曰賜以車服以旌其德用所任也又一通諸侯四朝各使陳進治化之言明試其言以要其功功

成則錫車服以表顯其能用言昔者聖人興天下之大利

除天下之大害躬親其事身履其勤憂之

勞之不避寒暑使天下之民物各得安其

性命無天昏暴陵之災是以天下之民敬

而愛之若親父母則而養之若仰日月夫

愛之者欲其長久小憚力役相與起作宮

室上棟下宇以雍覆之欲其長久也敬之者欲其尊嚴不憚勞煩相與起作輿輪旌旗章表以尊嚴之斯愛之至敬之極也苟心愛敬雖報之至情由未盡或殺身以爲之盡其情也弈世以祀之明其功也是以流光與天地比長後世聖人知恤民之憂思深大者必饗其樂勤仁毓物使不夭折者必受其福故爲之制禮以節之使夫上仁繼天統物不伐其功民物安逸若道自然莫知所謝老子曰聖人不仁以百姓爲芻狗此之謂也夫禮服之興也所以報功章德尊仁尚賢故禮尊貴貴不得相踰所以爲禮也非其人不得服其服所以順禮也順則上下有序德薄者退德盛者縟故聖人處乎天子之位服玉藻遂延日月升龍山車金根飾黃屋左纛所以副其德章其功也賢仁佐聖封國愛民黼黻文繡降龍路車所以顯其仁光其能也及其季末

聖人不得其位賢者隱伏是以天子微弱

諸侯脅矣於此相貴以等相讎以貨相賂

以利天下之禮亂矣至周夷王下堂而迎

諸侯此天子失禮微弱之始也自是諸侯

宮縣樂食祭以白牡擊玉磬朱干設錫冕

而儻大武鄭玄注禮記曰此皆天子之禮也宮縣

萬舞也白牡大路躬天子之禮也白牡躬牲大夫臺門旅樹反坫繡

黼丹朱中衣鏤篋朱紘此大夫之僭諸侯

禮也鄭玄曰此皆諸侯之禮也旅道也屏謂之樹

後漢書志二十九

三

林俊

子外屏諸侯內屏大夫以簾士以帷反坫反爵之坫

也蓋在樽南兩君相見主君既獻於反爵焉繡黼丹

朱以爲中衣領緣也繡讀爲綃綃繒名也詩云素衣

朱綃又曰素衣朱褱褱繡領也鏤篋謂刻而飾之也

大夫刻之爲龜耳諸侯飾以象天子飾以玉朱紘

天子冕之紘也諸侯青組大夫士當緇組紘纁邊詩

刺彼己之子不稱其服傷其敗化易譏負

且乘致寇至言小人乘君子器盜思奪之

矣自是禮制大亂兵革並作上下無法諸

侯陪臣山竅藻梳降及戰國奢僭益熾削

滅禮籍蓋惡有害己之語競侈奇麗之服

飾其輿馬文罽玉纓象鏤金鞞以相夸上

爭錐刀之利殺人若刈草然其宗祀亦旋夷滅榮利在己雖死不悔及秦并天下攬其輿服上選以供御其次以錫百官漢興文學既缺時亦草創承秦之制後稍改定參稽六經近於雅正孔子曰其或繼周者行夏之正乘殷之輅服周之冕樂則韶舞故撰輿服著之于篇以觀古今損益之義云上古聖人見轉蓬始知為輪輪行可載因物知生復為之輿輿輪相乘流運罔極

後漢書志二十九

四

李棠

任重致遠天下獲其利後世聖人觀於天

視斗周旋魁方杓曲

春秋緯曰瑤光第一至第四為魁第五至第七為杓

斗合為以攜龍角為帝車於是迺曲其輶乘

牛駕馬登險赴難周覽八極故易震乘乾

謂之大壯言器莫能有上之者也

孝經援神契曰斗曲

杓橈象成車房為龍馬華蓋覆鉤天理入魁神不獨居故驂駕陪乘以道踟躕宋均注曰房星既體蒼龍又象駕駟馬故兼言之也覆鉤既覆且鉤曲似蓋也天理入魁又似御陪乘自是以來

世加其飾至奚仲為夏車正建其旂旒尊

卑上下各有等級

世本云奚仲始作車古史考曰黃帝作車引重致遠其後

少昊時駕牛禹時奚仲駕馬臣昭案服牛乘馬以利天下其所起遠矣豈奚仲為始世本之誤史考所說是也周室大備官有六職百工與居一焉周禮曰審

辨民器謂之百工一器而羣工致巧者車最

多是故具物以時六材皆良鄭玄曰取幹以漆以夏筋膠未聞自此至弧旌枉輿方法地蓋圓

矢皆出周禮鄭玄曰即是周禮注輿方法地蓋圓

象天三十輻以象日月鄭玄曰輪象日月者以其運行也日月三十日

而合蓋弓二十八以象列星龍旂九旂七

仞齊軫鄭玄曰軫謂車後橫木以象大火鄭玄曰交龍為旂諸侯之所建

也大火蒼龍宿之心鳥旗七旂五仞齊較鄭玄曰較其屬有尾尾九星

者車高以象鶉火鄭玄曰鳥隼為旗州里之所建

檻木也鄭玄曰鶉火朱鳥宿之柳其屬有七星

熊旗六旂五仞齊肩以象參伐鄭玄曰熊虎為旗師都之

所建伐屬白虎宿與參連體而六星龜旒四旂四仞齊首以象

營室鄭玄曰龜蛇為旒縣鄙之所建營室玄武宿與東壁連體而四星弧旌枉

矢以象弧也鄭玄曰觀禮曰侯氏載龍旂弧韜則旌旗之屬皆有弧也弧以張縵

之幅有衣謂之韜又為設矢象弧星有矢也妖星有枉矢者蛇行有尾因此云枉矢蓋畫之玄注禮含文

嘉曰蓋旗有九名日月為常交龍為旂通帛為旒雜帛為物熊虎為旗鳥隼為旒龜蛇為旒奎羽為旒析羽為旒盧植注禮記曰有鈴曰旂干寶注周禮曰枉

矢象妖星非其義也枉蓋應為枉直謂枉矢於弧此諸侯以下之所建者也白虎通曰居車中不

六日九三三三二一 後漢書卷二十九 五 俞吉

則察地前聞和鸞之聲旁見四方之運此車教之道  
論語曰升車必正立執綏車中不內顧所以有和鸞  
以正威儀節行舒疾也鸞者在衡和者在軾馬動則  
鸞鳴鸞鳴則和應其聲鳴曰和舒舒則不鳴疾則失  
音明得其和也故詩云和鸞雍雍萬福攸同魯訓曰  
和設軾者也鸞設衡者也許慎曰詩云八鸞鎗鎗則  
一馬二鸞也又曰輶車鸞鑣知非衡也毛詩傳曰在  
軾曰和在鑣曰鸞杜預注左傳亦云鸞在鑣和在衡  
傳玄乘輿馬賦注曰鸞在馬勒鑣干寶周禮注曰和  
鸞皆以金為鈴史記曰前有錯衡所以養目也步中  
武象驟中韶護所以養耳也龍旂九旒所以養信也  
寢兕持虎鮫鞬彌龍所以養威也故大路之馬必信  
至教順然後乘 **天子五路** 周禮王之五路一曰玉  
之所以養安也 **天子五路** 路二曰金路三曰象路  
四曰革路五曰木路釋名曰天子所乘 **以玉為飾**  
曰路路亦軍事也謂之路言行路也  
古文尚書曰大路在賓階面綴路在阼階面孔安國  
曰大路玉綴路金也服虔曰大路摠名也如今駕駟

後漢書志二十九

六

陳芳

高車矣尊卑俱乘之其采飾有差鄭玄曰王在馬曰  
路以玉飾諸末也傳玄乘輿馬賦注曰玉路重較也  
韻集曰軛前 **錫樊纓十有再就** 鄭玄曰錫面當  
橫木曰輅 謂鏤錫也樊讀如鞞帶之鞞謂今馬大帶也鄭眾曰  
纓謂當背士喪禮曰馬纓三就以削革為之三就三  
重三币也鄭玄曰纓今馬鞅玉路之樊及纓皆以五  
采罽飾之十二就就成也杜預曰纓在馬膺前如索

帶乘輿馬賦注曰繫纓 飾以旄尾金塗十二重 **建太常十有二旒九仞**  
**曳地** 鄭眾曰太常九旗之畫日月者鄭玄  
曰七尺為仞天子之旗高六丈三尺 **日月升**

**龍象天明也** 崔駰東巡頌曰登天靈 **夷王以**  
之威路駕太一之象車

**下周室衰弱諸侯大路秦并天下闕三代**  
**之禮或曰殷瑞山車金根之色** 殷人以為大  
路於是始

作金根之車形曰乘根秦改曰金根漢承秦制御

根乘與馬賦注曰金根以金為飾

為乘輿所謂孔子乘殷之路者也

乘輿 金根 安車 立車 蔡邕曰五安五立徐廣曰立乘

曰高車坐 輪皆朱班重牙 周禮曰牙也者以為固抱也鄭眾曰牙謂

輪輅也世間 貳轂兩轄 蔡邕曰轂外復有一轂抱轄其外乃復設轄抱

或謂之輞 金薄繆龍為輿倚較 徐廣

銅置其中東京賦曰 重輪貳轄疏轂飛軫 曰繆交錯之形也較在箱上說文曰櫪 文畫蕃蕃箱也通俗文曰車箱為軫

魏都賦注曰軾車橫 龍首銜軛左右吉陽箭 覆膝人所馮上者也

鸞鳥雀立衡 徐廣曰置金 櫪文畫軻羽蓋華 後漢書志三十九

蚤 徐廣曰翠羽蓋黃裏所謂黃屋車也金華施棟 建大旂十有二游 高蓋薛綜曰樹翠羽為蓋如雲龍矣金作華形蓋皆低曲

畫日月升龍駕六馬 東京賦云六 象鑣鏤錫 各五寸七如三華形在馬髦

金鏤方釳插翟尾 獨斷曰金鏤者馬冠也高廣

前方釳鐵也廣數寸在馬駮後後有三孔插翟尾其

中薛綜曰釳中央兩頭高如山形而貫中翟尾結著

之顏延之幼結曰釳乘輿馬頭上防釳角所以防 朱

兼樊纓赤鬪易昔金就十有二左毒縣以釐

牛尾為之在左駢馬軛上大如斗 徐廣曰馬

在外曰駢駢亦名駢蔡邕 是為德車五時車安 曰在最後左駢馬頭上



立亦皆如之各如方色馬亦如之白馬者

朱其髦尾為朱驪云所御駕六餘皆駕四

後從為副車古文尚書曰予臨兆民慄乎若朽索之馭六馬逸禮王度記曰天子

駕六馬諸侯駕四大夫三士二庶人一周禮四馬為乘毛詩天子至大夫同駕四士駕二易京氏春秋公

羊說皆云天子駕六許慎以為天子駕六諸侯及卿駕四大夫駕三士駕二庶人駕一史記曰秦始皇以

水數制乘六馬鄭玄以為天子四馬周禮乘馬有四圉各養一馬也諸侯亦四馬顧命時諸侯皆獻乘黃

朱乘亦四馬也今帝者駕六此自漢制與古異耳蔡邕表志曰以文義不著之故俗人多失其名五時副

車曰五帝車鸞旗曰雞翹耕根曰三蓋其比非一也

耕車其飾皆如之有三蓋一曰芝車置鞞

後漢書志二十九

耒耜之箠上親耕所乘也

新論拍譚謂揚雄曰君之為黃門郎

居殿中數見輿輦玉蚤華芝及鳳皇三蓋之屬皆玄黃五色飾以金玉翠羽珠絡錦繡茵席者也東京賦

曰立戈也夏農輿路木薛綜曰戈句予戟夏長矛置車上者邪柱之也邪也是謂戈路農輿三蓋所謂耕

根車也東耕于藉乘馬無飾故稱木也賀循曰漢儀親耕青衣幘東京賦說親耕亦云鸞路蒼龍賀循曰

車必有鸞而春獨鸞路者鸞鳳類而色青故以名春路也賦又曰介御閒以剡耜薛綜曰耜耒金也廣五

寸著耒耜而載之天子車參乘帝在左御在中介處右以耒置御之右

戎車其飾皆如之蕃以矛麾金鼓羽析幢

殿鞞鞞胄甲弩之箠漢制度曰戎立車以征伐周官其矢箠通俗文曰箭箠謂

之步又于寶亦曰今謂之步又鄭玄注既曰服車箱也顏延之幼誥云弩矢也

獵車其飾皆如之重輜縵輪縵龍繞之一

曰闡猪車親校獵乘之

魏文帝改曰闡虎車

太皇太后皇太后法駕皆御金根

重翟羽加蓋者也

交路帳裳

徐廣曰青交路青帷裳

非法駕則乘紫罽駟

車

字林曰駟車有衣蔽無後轅者謂之輜也釋名駟屏也四屏蔽婦人乘牛車也有邱曰輜無邱

曰駟傳子曰周曰輜車即輦也

雲樞文畫輶黃金塗五末

徐廣

曰未詳疑謂前一轅及衡端轂頭也

蓋蚤左右駢駕三馬

長公主赤罽駟車

大貴人貴人公主王妃封君油畫駟車大

後漢書志二十九

九

三五

貴人加節畫輶皆右駢而已

皇太子皇子皆安車朱班輪青蓋金華蚤

黑樞文畫輶文輶金塗五末皇子為王錫

以乘之故曰王青蓋車

徐廣曰旂旗九旒畫降龍魏武帝令問東平王

有金路何意為是特賜非侍中鄭稱對曰天子五路金以封同姓諸侯得乘金路與天子同此自得有非

特賜也

皇孫綠車以從皆左右駢駕三

獨斷曰綠車名曰皇孫車

天子有孫乘之公列侯安車朱班輪倚鹿較伏熊軾

卓緇蓋黑輶右駢

車有輶者謂之駢

中二千石二千石皆阜蓋朱兩轡其千石六百石朱左轡轡長六尺下屈廣八寸上

業廣尺二寸九文十二初後謙一寸若月

初生示不敢自滿也案本傳舊典傳車驂駕乘亦惟裳唯郭賀為翼州勅

去檐帷謝承書曰孔恂字巨卿新淦人州別駕從事車前舊有屏星如刺史車曲翳儀式是時刺史行部

發去日晏刺史怒欲去別駕車屏星恂諫曰明使君傳車自發晚而欲徹去屏星毀國舊儀此不可行別

駕可去屏星不可省即投傳去刺史追辭謝請不肯還於是遂不去屏星說文曰車當謂之屏星景

帝中元五年始詔六百石以上施車轡得

銅五末軛有吉陽箛中二千石以上右駢

後漢書志二十九

十

林

三百石以上阜布蓋千石以上阜繒覆蓋

二百石以下白布蓋皆有四維杠衣賈人

不得乘馬車除吏赤畫杠其餘皆青云古今注曰

武帝天漢四年令諸侯王大國朱輪特虎居前虛兜右麋小國朱輪畫特熊居前寢麋居左右卿車者也

公列侯中二千石二千石夫人會朝若蠶

各乘其夫之安車右駢加交路帷裳皆阜

非公會不得乘朝車得乘漆布輜駟車銅

五末

乘輿大駕公卿奉引太僕御大將軍參乘

屬車八十一乘

薛綜曰屬之言相連屬也皆在後為三行

備千乘萬

騎西都行祠天郊甘泉備之官有其注名

曰甘泉鹵簿

蔡邕表志曰國家舊章而幽僻藏蔽莫之得見

東都唯

大行乃大駕大駕太僕校駕法駕黃門令

校駕乘輿法駕八卿不在鹵簿中河南尹

執金吾雒陽令奉引奉車郎御侍中參乘

屬車四十六乘前驅有九旂雲罕

徐廣曰旂車有九乘

前史不記形也武王剋紂百夫荷罕旗以先驅東京賦曰雲罕九旂薛綜曰旂旗名

鳳皇闈

戟

薛綜曰闈之言函也取四戟函車邊

皮軒鸞旗

應劭漢官鹵簿圖曰乘輿大駕

後漢書志二十九

十一

李棠

則御鳳皇車以金根為列

皆大夫載

胡廣曰皮軒以虎皮為軒郭璞曰皮軒革車或曰即

曲禮前有士師則載虎皮

蓋在

民或謂之雞翹非也

胡廣曰鸞旗以銅作鸞鳥車衡上與木志

不後有金鉦黃鉞

說文曰鉞大斧也司馬法曰夏執玄鉞殷執白鉞周杖黃

鉞黃門鼓車古者諸侯貳車九乘秦滅九

國兼其車服故大駕屬車八十一乘法駕

半之屬車皆阜蓋赤裏木輻戈矛弩箠尚

書御史所載最後一車懸豹尾

薛綜曰侍豹

御史載之

尾以前比省中

小學漢官篇曰豹尾過後罷屯解圍胡廣曰施於道路豹尾之內為

省中故須過後屯圍乃得解皆所以戒不虞也淮南子曰軍正執豹皮所以制正其衆禮記前載虎皮亦

此之義類行祠天郊以法駕祠地明堂省什三

祠宗廟尤省謂之小駕每出太僕奉駕上

鹵簿中常侍小黃門副尚書主者郎令史

副侍御史蘭臺令史副皆執注以督整車

騎謂之護駕春秋上陵尤省於小駕直事

尚書一人從其餘令以下皆先行後罷

輕車古之戰車也洞朱輪輿不巾不蓋建

矛戟幢麾輶弩服徐廣曰置弩於軾上駕兩馬也藏在武

後漢書志二十九

十二

李

庫大駕法駕出射聲校尉司馬史士載以

次屬車在鹵簿中諸車有矛戟其飾幡旂

旗幟皆五采制度從周禮吳孫兵法云有

巾有蓋謂之武剛車武剛車者為先驅又

為屬車輕車為後殿焉

大使車立乘駕駟赤帷持節者重導從賊

曹車斧車督車功曹車皆兩大車伍伯瓊

弩十二人辟車四人周禮滌狼氏千寶注曰今卒辟車之屬從車

四乘無節單導從減半

小使車不立乘有駢赤屏泥油重絳帷導  
無斧車近小使車蘭輿赤轂白蓋赤帷從  
騶騎四十人此謂追捕考案有所勅取者  
之所乘也諸使車皆朱班輪四輻赤衡軛  
其送葬白堊已下洒車而後還公卿中二  
千石二千石郊廟明堂祠陵法出皆大車  
立乘駕駟他出乘安車

大行載車其飾如金根車加施組連璧交  
絡四角金龍首銜璧垂五采折羽流蘇前  
後雲氣畫帷裳楯文畫曲轡長懸車等太  
僕御駕六布施馬布施馬者淳白駱馬也  
以黑藥灼其身爲虎文旣下馬斥賣車藏  
城北祕宮皆不得入城門當用太僕考工  
乃內飾治禮吉凶不相干也

公卿以下至縣三百石長導從置門下五  
吏賊曹督盜賊功曹皆帶劔三車導主簿  
主記兩車爲從縣令以上加導斧車公乘  
安車則前後并馬立乘長安雒陽令及王

國都縣加前後兵車亭長

纂要雒陽亭設長車前吹管

右駢駕兩璪弩車前伍伯公八人中二千石二千石六百石皆四人自四百石以下至二百石皆二人黃綬武官伍伯文官辟車鈴下侍閣門蘭部署街里走卒皆有程品多少隨所典領

驛馬三十里一置

臣昭案東晉猶有郵驛共置承受傍郡縣文書有郵有驛

行傳以相付縣置屋二區有承驛吏皆條所受書每月言上州郡風俗通曰今吏郵書掾府督郵職掌此卒皆赤幘絳鞬云古者軍出師旅皆從秦

後漢書卷二十九

一四

臣

省其卒取其師旅之名焉公以下至二千石騎吏四人千石以下至三百石縣長二人皆帶劍持棨戟為前列捷弓韜九鞬

俗通

文曰弓韜謂之鞬

諸侯王法駕官屬傅相以下皆備

鹵簿似京都官騎張弓帶鞬遮迺出入稱課促列侯家丞庶子導從若會耕祠主縣假給辟車鮮明卒備其威儀導從事畢皆罷所假諸車之文乘輿倚龍伏虎楨文畫輶龍首鸞衡重牙班輪升龍飛軫

薛綜曰飛軫以

緹油廣八寸長注地畫左蒼龍右白虎繫軸頭二千石亦然但無畫可盧植禮記注曰軫轉頭也楚辭云倚結軫兮太息王逸注曰重較也李尤小車銘曰軫之嗛虛疏達開通案二家之言不如綜注所記

皇太子諸侯王倚虎伏鹿楨文畫軹轡吉

陽甯朱班輪鹿文飛軫旂旗九旒降龍公

列侯倚鹿伏熊黑轡朱班輪鹿文飛軫九

旒降龍卿朱兩轡五旒降龍二千石以下

各從科品諸轡車以上軹皆有吉陽甯諸

馬之文案乘輿金鍍方鈇插翟象鑣爾雅注曰鑣馬

勒旁鐵也此用象牙龍畫總沫升龍赤扇汗詩云朱幘鑣毛傳曰人

後漢書志二十九

十五

原仰

君以朱纏鑣扇汗且以為鑣飾青兩掖鸞尾駙馬左右赤珥

流蘇飛鳥節赤膺兼皇太子或亦如之王

公列侯鏤錫义髦朱鑣朱鹿朱文絳扇汗

青掖鸞尾卿以下有駙者緹扇汗青掖尾

當盧义髦上下皆通中二千石以上及使

者乃有駙駕云

後漢書志第二十九



後漢書志第三十

輿服下

劉 昭 法補

冕冠 長冠 委貌冠

皮弁冠 爵弁冠 通天冠

遠遊冠 高山冠 進賢冠

法冠 武冠 建華冠

方山冠 巧士冠 却非冠

却敵冠 樊噲冠 術氏冠

鶡冠 幘 佩

後漢書志三十一

五

刀 印 黃赤綬

赤綬 綠綬 紫綬

青綬 黑綬 黃綬

青紺綸 后夫人服

上古穴居而野處衣毛而冒皮未有制度後世聖人易之以絲麻觀翬翟之文榮華之色乃染帛以效之始作五采成以為服見鳥獸有冠角顛胡之制遂作冠冕纓鞋以為首飾凡十二章故易曰庖犧氏之王

天下也仰觀象於天俯觀法於地觀鳥獸

之文與地之宜近取諸身遠取諸物於是

始作八卦以通神明之德以類萬物之情

黃帝堯舜垂衣裳而天下治蓋取諸乾

乾以有文故上衣玄下裳黃日月星辰山

龍華蟲孔安國注尚書曰華象草華蟲雉也作績宗彝古文尚書績作

會孔安國曰以五采成此畫焉藻火粉米孔安國曰

藻水草有文者火為火黼黻絺繡孔安國曰黼

字粉若粟米米若聚米兩己相背葛之精者曰絺五色備曰繡杜預注左傳曰白與黑謂之黼黑與青謂之黻以五

後漢書志三十一

二

三十一

采章施于五色作服孔安國曰以五采明施天

子備章鄭玄周禮注曰此古天子冕服十二章公自山以下侯

伯自華蟲以下子男自藻火以下卿大夫

士粉米以下至周而變之以三辰為旂旗

王祭上帝則大裘而冕鄭眾曰大裘羔裘也公侯

卿大夫之服用九章以下鄭玄曰華蟲五色之

獸蛇雜四時五色之位以章之謂是也王者相變至

周而以日月星辰畫於旌旗所謂三辰旂旗昭其明

也而冕服九章初一日龍次二曰山次三曰華蟲次

四曰火次五曰宗彝皆畫以為績次六曰藻次七曰

粉米次八曰黼次九曰黻皆絺以為繡則裘之衣五

章裳四章凡九也鷩畫以雉謂華蟲也其衣三章裳

四章凡七也。畫虎雖謂宗彝也。其衣三章。裳二章。凡五也。緇刺粉米無畫也。其衣一章。裳一章。凡三也。法言曰：聖人文質者也。車服以彰之。藻色以明之。聲音以揚之。詩書以光之。籩豆不陳。玉帛不分。琴瑟不鏗。鍾鼓不取。吾無以見乎聖也。

秦以戰國即天子位滅去禮

學郊祀之服皆以約。玄漢承秦故至世祖

踐祚都于土中始修三雍正兆七郊顯宗

遂就大業初服旒冕衣裳文章赤舄絢履

以祠天地養三老五更於三雍于時致治

平矣天子三公九卿特進侯侍祠侯祀天

後漢書志三十

三

東觀書曰

正月公卿議春南北郊東平王蒼議曰孔子曰行夏之時乘殷之路服周之冕為漢制法高皇帝始受命創業制長冠以入宗廟光武受命中興建明堂立辟雍陛下以聖明奉遵以禮服龍袞祭五帝禮缺樂崩久無祭天地冕服之制接尊事神禮絜齋盛服敬之至也日月星辰山龍華藻天王袞冕十有二旒以則天數旂有龍章日月以備其文今祭明堂宗廟圓以法天方以則地服以華文象其物宜以降神肅雍備思博其類也天地之禮冕冠裳衣宜如明堂之制

乘輿備文日月星辰

十二章三公諸侯用山龍九章九卿以下

用華蟲七章皆備五采大佩赤舄絢履以

承大祭百官執事者冠長冠皆祗服五嶽

四瀆山川宗廟社稷諸沾秩祠皆約玄長

冠五郊各如方色去百官不執事各服常

冠杓玄以從

冕冠垂旒前後邃延

邃垂也延冕上覆

玉藻

周禮曰五采繅

十有二就皆五采玉十有二玉笄朱紘鄭玄注曰繅雜文之名也合五采絲為之繩垂於延之前後各十

二所謂邃延也就成也繩之每一而貫五采玉十

也紘一條屬兩端於武此為衮衣之冕十二旒則用

玉二百八十八鷩衣之冕繅九旒用玉二百一十六

帝永平二年初詔有司采周官禮記尚書

皐陶篇乘輿服從歐陽氏說公卿以下從

後漢書卷三十一

四

平身

大小夏侯氏說冕皆廣七寸長尺二寸前

圓後方朱綠裏玄上前垂四寸後垂三寸

係白玉珠為十二旒以其綬采色為組纓

說文曰組纓屬也小者以為冕纓焉禮記曰玄冠朱組纓天子之服是也三公諸侯士

旒青玉為珠卿大夫五旒黑玉為珠

獨斷曰三公諸

侯九旒卿七旒與此不同皆有前無後各以其綬采色為

組纓旁垂黻纁

呂忱曰黻黃色也黃絲為之禮緯曰旒垂目纁塞耳王者示不

聽讒不視非也薛綜曰以珩玉為充耳也詩云充耳琇瑩毛萇傳曰充耳謂之瑱天子玉瑱琇瑩美石也

諸侯郊天地宗祀明堂則冠之

蔡邕曰鄙人識謂之平天

衣裳玉佩備章采乘輿刺史公侯九卿以下皆織成陳留襄邑獻之云

長冠一曰齋冠高七寸廣三寸促漆繩為之制如板以竹為裏初高祖微時以竹皮

為之謂之劉氏冠楚冠制也民謂之鵠尾冠非禮宗廟諸祀則冠之皆服衾衾玄獨斷

曰衾紺繒也大都賦曰衾卑服絳緣領袖為中衣絳綺練示

其赤心奉神也五郊衣幘綺練各如其色此冠高祖所造故以為祭服尊敬之至也

後漢書志二十一

五

三仲

委貌冠皮弁冠同制長七寸高四寸制如覆杯前高廣後卑銳所謂夏之母追殷之

章甫者也委貌以卑縮為之皮弁以鹿皮為之行大射禮於辟雍公卿諸侯大夫行

禮者冠委貌衣玄端素裳鄭眾周禮傳曰衣有襦裳者為端鄭

玄曰謂之端取其正也正者士之衣袂皆二尺二寸而屬幅是廣袤等也其袪尺二寸大夫以上侈之侈之者蓋半而益一焉半而益一則其袂三尺三寸袪尺八寸執事者冠皮弁

衣緇麻衣卑領袖下素裳所謂皮弁素積

者也皮弁質也石渠論玄冠朝服戴聖曰玄冠委貌也朝服布上素下緇帛帶素韋鞞白虎

曰三王共皮弁素積素積者積素以為裳也言要中辟積也

爵弁一名冕廣八寸長尺二寸如爵形前

小後大繒其上似爵頭色有收持筭所謂

夏收殷皞者也獨斷曰殷黑而微白前大而後小夏純黑亦前小而後大皆以

三十六升漆布為之詩云常服黼皞書曰王與大夫盡弁上古皆以布中古以絲孔子曰麻冕禮也今也

純儉祠天地五郊明堂雲翹舞樂人服之禮

曰朱干玉鉞鄭玄曰朱干赤大盾也鉞斧也冕而舞大夏此

之謂也

通天冠高九寸正腎頂少邪却乃直下為

後漢書志三十一

六

林芳

鐵卷梁前有山展筭為述乘輿所常服獨斷

曰漢受之秦禮無文服衣深衣制有袍隨五時色袍者

或曰周公抱成王宴居故施袍禮記孔子

衣逢掖之衣縫掖其袖合而縫大之近今

袍者也今下至賤更小史皆通制袍單衣

皐緣領袖中衣為朝服云

遠遊冠制如通天有展筭橫之於前無山

述諸王所服也獨斷曰禮無文

高山冠一曰側注制如通天不邪却直腎

無山述展筭

獨斷曰鐵為卷梁高九寸漢書音義曰其體側立而曲注

中外

官謁者僕射所服太傅胡廣說曰高山冠

蓋齊王冠也秦滅齊以其君冠賜近臣謁

者服之

史記酈生初見高祖儒衣而冠側注漢舊儀曰乘輿冠高山冠飛月之纓幘耳赤丹

紉裏衣帶七尺斬蛇劍履虎尾絢履案此則亦通于天子

進賢冠古緇布冠也文儒者之服也前高

七寸後高三寸長八寸公侯三梁

胡廣曰車駕巡狩

其國者侯衣玄端之衣冠九旒之冕其盛法服以就

位也今列侯自不奉朝請侍祠祭者不得服此皆常

秩曰太傅司空司徒著進賢三梁冠黑介幘

後漢書志三十

千石以下至博士兩梁自博士以下至小

史私學弟子皆一梁宗室劉氏亦兩梁冠

示加服也

獨斷曰漢制禮無文荀綽晉百官表注曰建光中尚書陳忠以為今史質堪上

言太官宜著兩梁尚書孟希奏太官職在鼎俎不列

職在典掌王饗統六清之飲列八珍之饌正百品之

羞納四方之貢所奉尤重用思又勤明詔慎口實之

御防有敗之茲增崇其選侍御史主捕案太醫今奉

方藥供養符節今掌幡信金虎故位從大夫車有韜

沂冠有兩梁所以殊親疏別內外也太官今以供養  
言之為最親近以職事言之為最煩多今又高選又  
執法比太醫今科同服等而冠二人殊名實不嗣又  
博士秩卑以其傳先王之訓故尊而異之今服大夫  
之冕猶此言之兩梁冠非必列於陞位也建初中太  
官今兩梁冠春秋之義大於復古如堪言合典可

行克厭帝心即聽用之獻帝起居注曰中平六年令三府長史兩梁冠五時衣袍事位從千石六百石

法冠一曰柱後獨斷曰柱後惠文高五寸以纒為展

筓前書注曰纒今之縱鐵柱卷荀綽晉百官表注曰鐵柱言其

萬直不曲撓執法者服之侍御史廷尉正監平也

或謂之獬豸冠獬豸神羊能別曲直楚王

嘗獲之故以為冠異物志曰東北荒中有獸名獬豸一角性忠見人鬪則觸

不直者聞人論則咋不正者楚執法者所服也今冠兩角非象也臣昭曰或謂獬豸西非定名在兩角未

足斷正安不存其胡廣說曰春秋左氏傳有

南冠而縶者則楚冠也秦滅楚以其君服

後漢書卷三十一

賜執法近臣御史服之

武冠一云古緇布冠之一曰武弁大冠諸武

官冠之晉公卿禮秩曰大司馬將軍尉驃騎車騎衛軍諸大將軍開府從公者著武冠平上

侍中中常侍加黃金璫附蟬為文貂尾

為飾謂之趙惠文冠又名駿胡廣說曰趙武

靈王效胡服以金璫飾首前插貂尾為貴

職秦滅趙以其君冠賜近臣應劭漢官曰說者以金取堅剛

百鍊不耗蟬居高飲絜口在掖下貂內勁捍而外温潤此因物生義也徐廣曰趙武靈王胡服有此秦即

漢而用之說者蟬取其清高飲露而不食貂紫蔚采潤而毛采不彰灼故於義亦取胡廣又曰意謂北方



寒涼本以貂皮暖頰附建武時匈奴內屬世祖

施於冠因遂變成首飾賜南單于衣服以中常侍惠文冠中黃門

童子佩刀云

建華冠以鐵為柱卷貫大銅珠九枚制似

縷鹿獨斷曰其狀若婦人縷鹿記曰知天者

冠述知地者履絢春秋左傳曰鄭子臧好

鷓冠前圓以為此則是也說文曰鷓知天地

五郊明堂育命舞樂人服之

方山冠似進賢以五采穀為之祠宗廟大

後漢書卷之二十一

九

卷自

予八佾四時五行樂人服之冠衣各如其

行方之色而舞焉

巧士冠高七寸要後相通直豎不常服唯

郊天黃門從官四人冠之在鹵簿中次乘

輿車前以備官者四星云獨斷曰禮無文

却非冠制似長冠下促宮殿門吏僕射冠

之負赤幡青翅燕尾諸僕射幡皆如之獨斷

曰禮無文

却敵冠前高四寸通長四寸後高三寸制

似進賢衛士服之

獨斷曰禮無文

樊噲冠漢將樊噲造次所冠以入項羽軍

廣九寸高七寸前後出各四寸制似冕司

馬殿門大難衛士服之或曰樊噲常持鐵

楯聞項羽有意殺漢王噲裂裳以裹楯冠

之入軍門立漢王旁視項羽

術氏冠前圓吳制差池邈池四重趙武靈

王好服之今不施用官有其圖注

淮南子曰楚莊王所

復歸冠者是蔡邕曰其說未聞

後漢書志三十一

十

諸冠皆有纓韡執事及武吏皆縮纓垂五

寸

武冠俗謂之大冠環纓無韡以青系為緄

加雙鷩尾腎左右為鷩冠云

莊子云纓胡之纓武士之服是

也五官左右虎賁羽林五中郎將羽林左

右監皆冠鷩冠紗縠單衣虎賁將虎文縞

白虎文劔佩刀虎賁武騎皆鷩冠虎文單

衣襄邑歲獻織成虎文云鷩者勇雉也其

圖對一死乃止故趙武靈王以表武士秦

施之焉

徐廣曰鷓似黑雉出於上黨荀綽晉百官表注曰冠插兩鷓鷩鷩鳥之暴疏者也每所

搜撮應瓜摧衄天子武騎故以冠焉傳玄賦注曰羽騎騎者戴鷩

安帝立皇太子太子謁高祖廟世祖廟門

大夫從冠兩梁進賢洗馬冠高山罷廟侍

御史任方奏請非乘從時皆冠一梁不宜

以為常服事下有司尚書陳忠奏門大夫

職如諫大夫洗馬職如謁者故皆服其服

先帝之舊也方言可寢奏可謁者古者一

名洗馬

古今注曰建武十三年初令令長皆小冠獨斷曰公卿侍中尚書衣卓而朝者曰朝

後漢書志三十一

十一

林原

目諸營校尉將大夫以下不為朝臣

古者有冠無幘其戴也加首有頰所以安

物故詩曰有頰者弁此之謂也三代之世

法制滋彰下至戰國文武並用秦雄諸侯

乃加其武將首飾為絳袖以表貴賤其後

稍稍作顏題漢興續其顏却擦之施巾連

題却覆之今喪幘是其制也名之曰幘幘

者蹟也頭首嚴蹟也至孝文乃高顏題續

之為耳崇其中為屋合後施收上下羣臣

貴賤皆服之文者長耳武者短耳稱其冠也尚書幘收方三寸名曰納言示以忠正顯近職也迎氣五郊各如其色從章服也皐衣羣吏春服青幘立夏乃止助微順氣尊其方也武吏常赤幘成其威也未冠童子幘無屋者示未成人也入學小童幘也句卷屋者示尚幼少未遠冒也喪幘却擗反本禮也升數如冠與冠偕也期喪起耳有收素幘亦如之禮輕重有制變除從漸

後漢書卷三十三

一

三

文也

獨斷曰幘古者卑賤執事不冠者之所服也董仲舒止兩書曰執事者皆赤幘知不冠者

之所服也元帝額有壯髮不欲使人見始進幘服之羣臣皆隨焉然尚無巾故言王莽秃幘施屋冠進賢者宜長耳冠惠文者宜短耳各隨其宜漢舊儀曰凡齋紺幘耕青幘秋驅劉服紺幘

古者君臣佩玉尊卑有度上有韍

徐廣曰韍如巾蔽膝

貴賤有殊佩所以章德服之衷也韍所以執事禮之共也故禮有其度威儀之制三代同之五霸迭興戰兵不息佩非戰器韍

非兵旗於是解去紱佩留其係璲

徐廣曰今名璲為緹

以為章表故詩曰鞞鞞佩璲此之謂也

鞞鞞佩玉

貌璲瑞也鄭玄箋曰佩璲者以瑞玉為佩佩之鞞鞞然紱佩既廢秦乃以

采組連結於璲光明章表轉相結受故謂

之綬漢承秦制用而弗改故加之以雙印

佩刀之飾至孝明皇帝乃為大佩衝牙雙

瑤璜皆以白玉詩云雜佩以贈之毛萇曰珩璜

上有雙衡下有雙璜瑤瑤以雜之衝牙蟻珠以納其

間玉藻曰右徵角左宮羽進則揖之退則揚之然後

玉瑯鳴焉纂要曰瑤瑤所以乘輿落以白珠公

卿諸侯以采絲其視冕旒為祭服云

佩刀乘輿黃金通身貂錯半鮫魚鱗金漆

錯雌黃室五色罽隱室華諸侯王黃金錯

環挾半鮫黑室公卿百官皆純黑不半鮫

小黃門雌黃室中黃門朱室童子皆虎爪

文虎賁黃室虎文其將白虎文皆以白珠

鮫為鏢口之飾通俗文曰乘輿者加翡翠山

紆嬰其側左傳曰藻綵鞞鞞杜預曰鞞佩刀削上

而加賜容刀有飾顯其能制斷也春秋繁露曰劍之

在左青龍之象也刀之在右白虎之象也鞞之在前

朱鳥之象也冠之在首左武之象也四者人之盛飾

佩雙印長寸二分方六分乘輿諸侯王公  
列侯以白玉中二千石以下至四百石皆  
以黑犀二百石以至私學弟子皆以象牙  
上合絲乘輿以滕貫白珠赤罽諸侯王  
以下以絲赤絲罽滕絲各如其印質刻書  
文曰正月剛卯既決靈及四方赤青白黃  
四色是當帝令祝融以教夔龍庶疫剛瘳  
莫我敢當疾日嚴卯帝令夔化慎爾周伏  
化茲靈及既正既直既觚既方庶疫剛瘳

莫我敢當凡六十六字

前書注云以正月卯日作

乘輿黃赤綬四采黃赤紺縹淳黃圭長丈

九尺九寸五百首

漢舊儀曰璽皆白玉螭虎細文曰皇帝行璽皇帝之璽皇

帝信璽天子行璽天子之璽天子信璽凡六璽皇帝行璽凡封之璽賜諸侯王書信璽發兵徵大臣天子行璽策拜外國事天地鬼神璽皆以武都紫泥封青囊白素裏兩端無縫尺一板中約署皇帝帶綬黃地六采不佩璽璽以金銀滕組侍中組負以從秦以前民皆佩綬金玉銀銅犀象為方寸璽各服所好奉璽書使者乘馳傳其驛騎也三騎行晝夜千里為程吳書曰漢室之亂天子北詣河上六璽不自隨掌璽者投井中孫堅北討董卓頓軍城南官署有井每旦有五色氣從井出堅使人浚得傳國璽其文曰受命于天既壽永昌方圍四寸上有細文槃五龍璫七寸管龍上一角缺獻帝起居注曰時六璽不自隨及還於

閣上得晉陽秋曰丹閔大將軍蔣幹以傳國璽付河南太守戴施施獻之百僚皆賀璽光照洞徹上蟠螭文隱起書曰昊天上帝壽昌秦舊璽也徐廣曰傳國璽文曰受天之命皇帝壽昌

諸侯王赤綬

徐廣曰太子及諸王金印龜紐綬失綬

四采赤黃

縹紺淳赤圭長二丈一尺三百首

荀綽晉百官表注曰

皇太子朱綬三百二十首

太皇太后皇太后其綬皆與乘輿同皇太后

亦如之

長公主天子貴人與諸侯王同綬者加特

也

後漢書志三十一

十五

周禮

諸國貴人相國皆綠綬三采綠紫紺淳綠

圭長二丈一尺二百四十首

前書曰相國丞相皆秦官金印

紫綬高帝相國綠綬徐廣曰金印綠綬綬音疾草名也以染似綠又云似紫紫綬名綯綬音瓜其色青

紫綬字亦盤音同也傳寫者誤遂作繫公加殊禮皆服之何承天云綯音媧青紫色綬綬紫色也

公侯將軍紫綬二采紫白淳紫圭長丈七

尺百八十首

前書曰太尉金印紫綬御史大夫位上卿銀印青綬成帝更名大司

空金印紫綬將軍亦金印漢官儀曰馬防為車騎將軍銀印青綬在卿上絕席和帝以寶憲為車騎將軍

始加金紫次司空

公主封君服紫綬

九卿中二千石二千石青綬三采青白紅

淳青圭長丈七尺百二十首一號青自青綬

以上綬皆長三尺二寸與綬同采而首半

之綬者古佩璲也佩綬相迎受故曰綬紫

綬以上綬綬之間得施王環通俗文曰鑄云缺環曰鑄

漢舊儀曰其斷獄者印為章也

千石六百石黑綬三采青赤紺淳青圭長

丈六尺八十首四百石三百石長同漢官曰尚書僕

射銅印青綬

後漢書志三十一

一六

楊其

四百石三百石二百石黃綬淳黃圭一采

長丈五尺六十首自黑綬以下綬綬皆長

三尺與綬同采而首半之

百石青紺綸一采宛轉繆織長丈二尺丁

漢儀載太僕太中大夫襄言乘輿綬黃地冒白羽青

絳綠五采四百首長二丈三尺詔所下王綬冒亦五

采上下無差諸王綬四采絳地冒白羽青黃去綠二

百六十首長二丈一尺公主綬如王侯絳地紺縹三

采百二十首長丈八尺二千石綬羽青地桃華縹三

長一丈七尺黃綬一采八十首長丈七尺以為常式

民織綬不如式沒入官犯者為不勤二千石綬以上

禁民無得織以粉組皇太后詔可王綬如所下



凡先合單紡為一系四系為一扶五扶為一首五首成一文文采淳為一圭首多者

系細少者系麤皆廣尺六寸東觀書曰建武元年復設諸侯

王金璽綬綬公侯金印紫綬九卿執金吾河南尹秩皆中二千石大長秋將作大匠度遼諸將軍郡太守

國傳相皆秩二千石校尉中郎將諸郡都尉諸國行相中尉內史中護軍司直秩皆二千石以上皆銀印

青綬中外官尚書令御史中丞治書侍御史公將軍長史中二千石丞正平諸司馬中宮王家僕雒陽令

秩皆千石尚書中謁者謁者黃門冗從四僕射諸都監中外諸都官今都候司農部丞郡國長史丞候司

馬千人秩皆六百石家令侍僕秩皆六百石雒陽市長秩四百石主家長秩皆四百石以上皆銅印黑綬

諸署長揖擢丞秩三百石諸秩千石者其丞尉皆秩四百石秩六百石者丞尉秩三百石四百石者其丞

後漢書志二十

十七

限方

尉秩二百石縣國丞尉亦如之縣國三百石長相丞尉亦二百石明堂靈臺丞諸陵校長秩二百石丞尉

校長以上皆銅印黃綬縣國守宮令相或千石或六百石長相或四百石或三百石長相皆以銅印黃綬

而有秩者侍中中常侍光祿大夫秩皆二千石太中大夫秩皆比二千石尚書諫議大夫侍御史博士皆

六百石議郎中謁者秩皆比六百石小黃門黃門侍郎中黃門秩皆比四百石郎中秩皆比三百石太子

舍人秩二百石

太皇太后皇太后入廟服紺上皐下蠶青

上縹下皆深衣制徐廣曰即單衣隱領袖緣以條翦

釐菌簪珥珥耳璫垂珠也簪以瑇瑁為擿

長一尺端為華勝上為鳳皇爵以翡翠為

毛羽下有白珠垂黃金鐻左右一橫簪之以安齒結諸簪珥皆同制其擷有等級焉  
皇后謁廟服紺上阜下蠶青上縹下皆深衣制隱領袖緣以條假結步搖簪珥步搖以黃金爲山題貫白珠爲桂枝相繆一爵九華熊虎赤罷天鹿辟邪南山豐大特六獸詩所謂副笄六珈者

毛詩傳曰副者后夫人之首飾編髮爲之笄衡

笄也珈笄飾之最盛者所以別尊卑鄭立曰珈之言加也副既笄而加飾如今步搖上飾古之制所未聞

諸爵獸皆以翡翠爲毛羽金題白珠璫繞

以翡翠爲華云

貴人助蠶服純縹上下深衣制大手結墨璫瑁又加簪珥

長公主見會衣服加步搖公主大手結皆有簪珥衣服同制

自公主封君以上皆帶綬以采組爲緹帶各如其綬色黃金辟邪首爲帶鐻飾以白珠

公卿列侯中二千石二千石夫人紺繒繒

黃金龍首銜白珠魚須槌長一尺為簪珥

入廟佐祭者卓綃上下助蠶者縹綃上下

皆深衣制緣自二千石夫人以上至皇后

皆以蠶衣為朝服公主貴人妃以上嫁娶

得服錦綺羅縠綃采十二色重緣袍特進

列侯以上錦綃采十二色六百石以上重

練采九色禁丹紫紺三百石以上五色采

青絳黃紅綠二百石以上四采青黃紅綠

賈人緇縹而已博物記曰交州南有蟲長減一

後漢書卷三十一

一九

毛

色在陰地多細色則赤黃之色也公列侯以下皆單緣襪制

文繡為祭服自皇后以下皆不得服諸古

麗圭襖閨緣加上之服司馬相如大人賦曰垂

梳也則襖之容如旌旒也建武永平禁絕之建初永元又

復中重於是世莫能有制其裁者乃遂絕

矣蔡邕表志曰永平初詔書下重服制度中宮皇太

子親服重繒厚練浣已復御率下以儉化起機諸

侯王以下至于士庶嫁娶被服各有秩品當傳萬世

揚光聖德臣以為宜集舊事儀注本奏以成志也凡冠衣諸服旒冕長冠委貌皮弁爵弁建華方山巧士衣裳文繡赤舄服約履大佩

皆爲祭服其餘悉爲常用朝服唯長冠諸  
王國謁者以爲常朝服云宗廟以下祠祀  
皆冠長冠皐繒袍單衣絳緣領袖中衣絳  
綉紉五郊各從其色焉

贊曰車輅各庸旌旂異局冠服致美佩紛  
璽玉敬敬報情尊尊下欲孰夸華文匪豪  
麗縹

後漢書志第三十

後漢書志第三十

二十一

二十一





